

109
2
IAC. SADO
LE TI.

DE LIBERIS RE.
CTE INSTITVEN.
DIS, LIBER.



M D XXXIII.

1820

AD 1820

THE

LIBRARY

OF THE

UNIVERSITY



MDCCCXX

2 190.

IAC. SADOLETI

AD GVLIELMVM

BELLAIVM

Langeum, De liberis
rectè instituendis
Liber.

V R I P I D I S Est, in An=
dromacha opinor, non tam formam fœ=
minæ, q̃ uirtutes esse quæ delectent con=
iugem. Te uerò Gulielme Bellai, opti=
me amicorum omnium, quanta oportet
affici uoluptate: qui eam uxorem ruper duxeris, cuius
ad egregias animi uirtutes atq; dotes species ac forma ad
iuncta sit, digna electissimis moribus: quos habuit qui=
dem illa unde disceret, nata in familia nobilissima, &
in eis educta quotidianæ uitæ consuetudinibus, quæ splen=
dorem & elegantiam optimi generis apprime redolerent.
Sed tibi certe contigit ex tui animi sententia, ut talem ha=
beres, qualem semper optasti. Nam cum etiam tu antiqua
nobilitate, & claris maioribus procreatus, plura, ac
multò præstantiora ornamenta tibi ex uirtute acquisueris,
ijs quæ à natura & à fortuna multa ac magna accepisti.
Sanè fuit æquum, ut sociam thori, atq; uitæ eam tibi ad=
iungeres, cuius ingenium & uirtus tuis humanissimis mo=
ribus responderet. Maxime autem in hoc laudanda

A 2 FRANCISCI

FRANCISCI Regis nostri sapientia est,
 & consilium summo principe dignum, qui quod cæteri
 ferè in equis & cambus, ipse præcipue in uiris facit, ut
 providentiam omnem adhibeat; quò ex spectatis utrinq;
 generibus electi in hoc sanctum fœdus matrimony con=
 ueniant, ut ex bonis parentibus nascatur progenies, quæ
 postea & Regi, & patriæ possit esse utilis. Etsi in eo
 præterea necessaria esse disciplina quædam uidetur,
 quemadmodum domi ali atque institui debeant pueri
 atque adulescentes. Quo de genere nos, cum nuper ne=
 scio quid conscripsissemus, uiam patribus, & rationem
 ostendere conati, qua bene atque ingenue erudire liberos
 possent, statuimus tibi deferre hoc munus, quod futurum
 esset monumentum nostri in te amoris: & si tu minime
 omnium huius quidem præceptionis indigeas. Quis enim
 est, de instituendis recte liberis scribere aliquid uolens,
 qui non plura & potiora domi uestræ huiusce generis do=
 cumenta reperiat, quam ipse ad instruendum alios pos=
 sit afferre? In quo sepe solitus sum mirari parentis ue=
 stri felicitatem, an uirtutem, an uerius dicam utrunque:
 qui cum plures sustulerit, alueritq; liberos, sic eos omneis
 equaliter artibus optimis, & præclarissimis moribus
 expoliuit, ut cuncti ex eadem quasi forma humanitatis,
 simul ac dignitatis conflati, & quodam modo excussi esse
 uideantur. Sed tamen non inacceptum tibi fore hoc ani=
 mi mei studium sum arbitratus, quod & iucundum ami=
 citia, & opportunum recens tuum coniugium facturum
 sit: E quo Deum immortalem precari non desino, ut te
 gignere

gignere prolem eam contingat, quæ paternam & au-
tam virtutis imaginem in omni posteritate possit propaga-
re. Verum ut ad ipsam iam sermonem de liberis recte
instituendis ueniamus: Cum sederem cum in meridie do-
mi oisus, nescio quid tum de meis studiis cogitans, ac-
cessit ad me Paulus Sadoleus, adolescens sanè quàm de-
ditus studiis honestissimis, quem ego fratris filium, tra-
ditum mihi à patre, in filij educationis loco, omnibus eum
instituere contendebam & literis bonis, & moribus.
quem tamen laborem leuem mihi & iucundum faciebat,
cum summum eius ingenium, tum uoluntas natura &
consuetudinem iam ad omnem optimam partem, ratio-
nemq; propensa. Is tunc cum introisset ad me aliquan-
tum temporis quàm solebat, (erat enim tempus diei cer-
tum constitutum, quo audiebat quotidie de me Aristote-
lis Ethica) Sic eum interrogare ingressus sum. I A C O
B V S. Quid est Paule quod te huc tam mature? num
te fessellit hora? aut aliud quid forte apportas noui?
P A V L V S. Nihil quicq; magnopere Patruè mi, aut
si non tam huius, quæ in corpore sit, q̃ sanctioris in ani-
mo generationis & meæ pietatis erga te proprium no-
men quaeritur, longe iustius mi Pater. Sed ego ad te ac-
cessi prudens aliquanto maturius; non ipse aliquid appor-
tans noui, sed expectans potius à te. I A C. Quid istuc
quod expectas? age, exprome, nihil enim recto studio tuo
abnuet unq̃ uoluntas mea. P A V. Scio ego istuc, etiam te
tacente, mi Pater: facile enī mihi declarat res ipsa. Sed mo-
do p̃cūctāti mihi cū ambicularius dixisset oculū tibi eē, nō in-

opportunitum sum arbitratus petere à te, ut de instituenda recte adolescentia ea mihi in unum præcepta componeres, quæ sparsim & interisse sæpe edere es solitus: cupio enim habere mecum tanquam commentarium præceptionum huiusmodi, è quo ipse me conformare ad uirtutem possim, ut talis fiam, qualem tu me esse uis. Sed hoc nisi molestum est, & si non aliud quid anteuertendum putas. I A. Mihi molestum? aut aliud quid anteuertam? an est quicquàm omnium rerum quod malum, quàm te & optimum, & doctissimum esse? Sic enim puto te hoc quærere, ut quod & ad bonos mores attinet, & quod ad literas bonas, totum tibi id à me explicari cupias. P A V. Istud ipsum est, quod ego cupio. I A. Atqui Paule si rem tractare, & exequi ordine suo uolumus, ab ipsa pueritia exordium est. Nemo enim institui recte potest adolescens, qui nequiter fuerit educatus puer: nam ut radix indolem ingeniumq; arboris, sic bene moratam & compositam adolescentiam pueritia ipsa producat. Hoc primum tempus ætatis, quod in primis lubricum est, atq; anceps, minime est omnium legibus illis, quibus nunc utimur, animaduersum atq; tractatum, neq; adhibita cura, ut id publice excolatur, cum maxime in eo uno ciuium boni mores, & ciuitatum salus constituta sit. De actionibus, & controuersijs inter sese ciuium accurate iura constituta sunt: in quo autem fermè sunt omnia de genere uitæ eligendo, de educatione liberorum, de officio parentum, de uirtute, de moribus, quas quæque sequi artes, & quas rejicere conueniat, mirum silentium est, præterquam

est, præterquam si qua sunt Pontificio iure ad doctrinam
uirtutis ac religionis præcepta iuuentuti, uel generi potius
certo, ijs uidelicet qui sacris initiati sunt, nec tamen ea or-
dinatum, neq; à pueris, ut potius innuisse præclara quæ-
dam, q̄ diligenter exposuisse uideantur. Græci diligentio-
res: nec tam in agendo præcipiendoq; ea, quæ si in uirtutis:
(in hac enim laude nulli omnino nationi neq; generi præsci
illi maiores nostri concessere: quod uetrum rerum monu-
menta perspicue indicant) quam in conseruando & tra-
dendo posteris ea, quæ optime essent statuta. Cum apud
nos & .xj. tabularum lex totius æquitatis ac iuris semina-
rium, & uetera omnia plebiscita, S. consulta, magistra-
rium edicta, nouorum iurisperitorum infinita quadam
ubertate & redundantia iandiu offusa & obliterata sint.
At me Hercule apud Græcos non modo Draconis ac Solo-
nis uetres quamplurimæ leges, uerumetiam Lyurgi
rhetæ, ut illi appellant, conseruatæ perquam diligenter
sunt. Quod eò est miserabilius, quod ille bonam partem
legum suarum, non in tabulis, sed in mentibus atque ani-
mis ciuium suorum inscripserat, ut usu, non scriptura
perdiscerentur. Redeo ad Solonem, cuius legibus sic ad
unguem & propè curiose omnia perscripta sunt, quod
ad educationem quidem attinet puerorum, nihil ut omni-
no, quod ad eam spectet rationem, omissum sit. Est enim
ille quæcunque etiam minima tenuissime perscutus, qua
de gymnasijs, qua de pædagogis, quota diei hora, quosq;
ad ludî magistros ueniendum esset, quo etiam uestitu &
comitatu incedendum: ac ne illud quidem prætermis-
sum,

eos progeniē uitiosiore. PAV. Iā meminī Horatianū. Iā.
 Iam illud maximū uinculū in legibus Solonis, ad continen-
 dos patres in officio, atq; uti liberorum curam secundum
 præscriptum legis gererent. Quandoquidem, si præter-
 misissent, & uel auaritia uel scelere compulsi uiolassent
 sententiam legis in educandis atque instituendis liberis
 suis, propositæ erant pænæ, & grauis iudicij metus, ad
 quod eos adduci à quolibet uolente, & nomen deferri il-
 liusmodi patris licebat: legitima quoque illis adempta,
 quæ naturæ lege quadam atque humanitatis patri debeat
 filius: nam neque colere illum talem cogebatur, nec re-
 uereri, nec sustentare suis opibus egentem aut debilem.
 Denique qui parentis boni officio in filium usus non esset,
 in eum noluit lex ullum à filio pietatis & grati animi of-
 ficiū sua autoritate extare. Illud unum excepit, sanè
 quam humane, ut defuncto eiusmodi patri, iusta tamen
 filius faceret: cum in eo non uilum commodum ageretur
 parentis. Sed illa pietas naturæ, ipsiq; humanitati debita
 redderetur. Sed quorsum hæc? ut intelligas Paule magnam
 huiusce primæ ætatis curā rationē q; ducendā esse à sapien-
 tissimis fuisse iudicātū: ut quæ uestibulū quodam modo ui-
 tæ sit, totāq; annorū cōsequentiū quasi formā qdā & ædifi-
 cationē præferat. PAV. Sanè psuasum mihi habeo optimo
 hæc ab illis cōsilio instituta fuisse, quæ & rōnē bonā in sese
 habeant, & egregiam ceteris oībus utilitatem. afferre ui-
 deantur: quo etiam magis cupio explicari mihi ea à te, &
 sub unum quasi aspectum pueritiā cum a. iolefcentia con-
 stitui: non enim mihi hoc soli, sed pluribus fortasse erit
 emolumento

mnis est nobis ratio atque consilium, hoc nos homines esse,
 factum ipsum quidem ad imaginem effectoris sui Dei: sed
 obscurum per se et languens, nisi scientiæ et literarum
 lumen accendat. Iam quod dicebamus rectam educationem
 in literas et in mores distributam esse, rursus alia
 diuisione secundum est, quatenus quidem pertinet ad mo-
 res: nam literæ contenti ferè cursu gradus habent suos,
 quorum ex alio ad alium transitus fiat: mores diuisi nec
 ratione solum, uerum etiam tempore. PAV. quo pa-
 cto? IAC. Non est eorum unum genus, neque sim-
 plex tractatio. Aliud enim in moribus profectò est, quod
 aliena cura et ratione imprimitur in nobis. Aliud quod
 à domestica mente atque consilio nobis ipsi consciscimus.
 PAV. quid amborum ut diuisa tempora sint, non ne
 una ac eadem est ratio? IAC. Quorum alterum cum ra-
 tione est, alterum nullam continet rationem, non potest
 amborum una atque eadem ratio esse. PAV. Cupio
 mihi hoc fieri planius. IAC. Conabor equidem, quod
 melius ut possim, simile tibi proponam, in quo intueri
 imaginem meæ rationis possis. Dic ergo tu mihi, uidisti in
 Romæ Apollinem illum, qui in xysto positus ad hortos
 uaticanos, anteriorem illam ambulationem, et omnem
 gyrum uiridiorum exornat, cui proximum est Laocoon
 simulachrum, ea qua scimus omnes artis præstantia et
 nobilitate? PAV. Amplum illud signum dicis et
 procerum, facie augusta hominis plus paulò quàm ado-
 lescentis: quod tanquam sagittam emisserit ex arcu, didu-
 cto gestu brachiorum, uidetur expectare, an quò inten-
 tum fuit

lachrum, & quædam quasi penicillo in aliena tabula ducta similitudo. Alter quem sua & propria ratio gignit formatq; , consulto istud agens, gnara muneris sui atque officij, eademq; , continet, quod in priore illo genere non acciderit: ita hoc ueritas est, illud ueritatis adûbratio. IA. Nunc mihi tu sapis, & ueram insists rationem, nō enim in puero, neq; homine pueri simili, qui sit mentis suæ & consilij inops, illa extrinsecus inducta moris imitatio, aut certi ordinis um, aut uirtutis propriū nomen habet. PAV. Assentior. IA. Quin & uocabulis quoq; ac nominibus re distinctom esse uideo, quod extraneum illum morem disciplinam uocamus, proprium autem & nostrum, uirtutem. PAV. Quid ita? IA. Disciplina est, assuescere ad alienæ uirtutis imperium: uirtus, ad suæ. PAV. Iam intelligo. Sed quid tandem isto more opus, ac non sua potius ratio ad informandum optimis moribus hominem in unoquoque expectatur? IA. Rem laici Paule difficilem cognitu, iuuenibus præsertim, quos nondum dies, & usus, & rerum multa cognitio edocuit, quanta sit consuetudinis, & quàm propè ineluctabilis uis, quo etiam non conuenit, neque potest cadere in ætatem istam exacta illa & subtilis uirtutis notio, quam etiam senecta ætate qui consequuntur, beatilure appellantur. Sed uobis pueris uel etiam adolescentibus scientiæ & cognitionis loco persuasio quædam tradenda est, ut credatis & pareatis maioribus natu, quos tamen existimatione hominum probari intelligitis: nihil enim in laude hominum, bonaque opinione uersari diu potest, quod

omnia: cæca, & luminis penitus expers est cupiditas. Porro harum partium utriq; consiliarij sui adsunt binij: in suadendo unus, in dissuadendo alter. Rationi quidem ipsi atq; menti, honestum & turpe: Cupiditati, iucundum & molestum. Hi cuncti numero sex, cum contubernales sine, & in unis commorentur cœdibus, si non consentiant & congruant inter se, sed sine turbulenti atque discordes, quas tu ibi rixas atq; pugnas, quos perturbationum motus, quantos fluctus seditionum inesse putas: cum aut tanquam turpe repellit ratio, quod sibi iucundum cupiditas adsciscit: aut cupiditati molestum est, quod ratio iudicat honestum: clamores intus assidui scilicet, tumultus, prælia. quæ est igitur uera ratio bene uiuendi? hæc nimirum, ut sese exequet cupiditas, & componat rationi, si, umq; iucundum cum illius honesto, & cum turpi molestum coagmentet, & construat: quod assuescendo maxime, & agendo, commode fit: nihil enim tam iucundum, quam illud, in quo assueueris, esse potest: hoc tu in tuis sodalibus ac socijs, nec non in eis locis, in quibus es alitus, studijsq; quæ pertractas facile per te potes Paule existimare, à quibus si quis te auellat, conuertatq; ad familiaritates alias, & ad alia studia, moleste accipias, quod insolitum & inusitatum morem odiosum ducas: ad consuetum uero cum uoluptate delabare. quod tantum habet consuetudo & inconsuetudo uirium, ut altera effectrix iucundi sit, molesti altera. Cum itaq; se sic habeat res, contendendum est omni studio parentibus, ut liberos à teneris recte doctrinæ assuescere

dem pater, & naturam difficilem, minusq; aptam afferam? I A. Meministi opinor quod à tuo Poeta de labore est dictum. P A V. quaille labore improbo uinci omnia affirmat, id fortasse dicas. I A. Dico enim uero: uerum & illud quoq; quod in communi proverbio fertur, usum fieri alteram naturam. P A V. Fertur quidem, atq; in prius. I A. Veruntamen sic habeto, si natura minus idonea sit, posse quidem euinci labore atq; industria, ut is, quicumq; ille fuerit, sub disciplinam bonam datus, minus incommodus euadat, nulla insigni re ad turpitudinem notatus: præclaram autem illâ speciem, decus q; eximie uirtutis, nemo potest omnino sine inijs naturæ, & naturalibus quasi seminibus acquirere. quæ cum ita sint, nobis q; id optandum sit in puero, in quo naturæ est potestas, non nostra, ingenium bonum uidellæt, quid obstat ut non id optemus, quod sit commodissimum, quod item de genere, & fortuna, & conditione eius, quem instituturi sumus est dicendum, ut sit honesto genere, bonis parentibus, locuplete familia, legitimo coniugio procreatus: non quod ceteris, quibus cuncta ista non adsunt, sit interdicta ad uirtutem uia: sed quoniam ijs certe, qui à talibus principijs proficiuntur, magis expedita sit & planior. Prudenter enim Græcus Poeta, cum crepido generis non bene statuta sit, ferme progeniem inhonoratam prædicat sequi: & re uera illud altum & fidens & liberum in animo, contrahat sese & minus audeat necesse est, cum est, generis sui probris in parentibus ipsis notatum. Nato igitur puero, nam quoad materna alio continetur infans, &

B Si quædam

labi ad animam etiam in somnis, quæ eum concutiam et terreant: quod, ut iam diximus, omne inusitatum ferme molestum accidit, atque inde illis assidui fletus exarcentur: cui rei remedio est assidua uectatio, et nutricum cantus, atque ut in uultibus et in affatibus familiarium infans assuescat. Ac uectatio quidem maxime in omnem partem est salubris: nam et confirmat corpus, et animam illis tericulamentis liberat: motu enim externo interiorem illum motum, umbratilemque uincente ac dissipante, sensuum impulsiones ille hebetantur: ob eamque causam et æne reperte sunt, quasi natura ipsa commonstrante quid conueniat agi, et gestatio in ulnis puerorum assidua. quare danda opera est, quoad eius fieri potest, ut quæ pueros famine alunt, habitent tanquam semper nautantes. Cantus uero eam uim habet, ut non modo turbatis sedet animos, sed sepe etiam furentes, sicut in Corybantibus fit manifestum. Iam cum ad id ætatis fuerit uentum, ut puer concipere iam uerba, et auscultare attentius loquentium sermones incipiat, tunc maxime patrem attendere oportet, et circumspicere familiæ disciplinam, ne quod turpe uerbum, aut impium erga Deum ad aures pueri allatur: ne uel quis gestus obscenior in oculos incurrat. Ac matris tum quidem etiam præcipua est curatio, illi enim in sinu, atque in uultu præcipue heret infans, ingreditque ab ea et fari discit. quapropter ducere eum ipsa, ac gestare debet ad templa, ad res diuinas, ad familiarium matronarum colloquia atque cōspectus, ut cognatos affinesque diligere iam puer, et eos discernere, atque distin-

Scriptum est in sacris literis: Timorem domini omnis sapientie initium esse. Et uere autus in animo infederit iste Dei siue amor, seu timor, quando utrunq; in utroq; mixtum & copulatum esse dicimus, de eo nunquam extimescendum est, quod ad malas uitę rationes, quisquis ille est, penitus se dedat: quod in puero potissimum conandum est, ut hæc bona radix ad beatam uitam fruticans, in eius animo quammaxime, & quam solidissime pangatur, dum uacuus locus est, neq; alienis aut etiam contrarijs animi conceptionibus propter nouitatem nature, atq; ortus, mens etiam nunc occupata: cum quę primo & spatiose deposita sunt semina firmiter comprehendunt, nec stirpium adhuc multarum sylua in angustum coguntur. Atq; humana quidem eiusmodi sunt, ut errare & labi quandoq; sit necesse: ueruntamen si ista pietatis erga Deum puręq; religionis tanquam arbor intus adoleuerit, sicut inutiles herbas umbrosis in locis nasci fortasse & uirere contingit alit quando, maturescere quidem certe, & frugem ferre commodum non contingit. Sic omnia uitia, quę capitalia fuerint, hac demum religionis uelut umbra necabuntur. Atq; hoc, quod de Deo, & de religione in Deum dictum à nobis hoc loco est, sic primum est in puero & ante omnia curandum, ut nihilominus intelligatur in omnem id uitam pertinere debere: omnis enim profecto uirtus, omnis dignitas, omnis uitę iucundę ac beatę spes, in hoc uno studio præcipue posita est, ut Deum & amare & uereri non desinamus. Sequitur altera puerilis animi cultio, posterior ea quidem illa, quam modo diximus, sed ceteris longe

antecedentior, ut pater qui filium suum alere atq; educere ad laudem excellentis viri cupiat, talem sese illi ostendat ipse, qualem eum effici uult: non enim ulla hac esse potest prestantior disciplina. Neq; hoc eo dico, quò non multa sint quotidie uitę ornamenta adaugenda in pueris, quę in patre fortasse non sum: ut literarum, uerbi causa, atq; artium illarum, quę optimę nominantur, studium atque cognitio, aut iuris ciuils, Pontificij ue scientia, belli quoque & militię, si id ita contingat, exercitatio atq; usus, fieri enim potest, ut pater horum omnium expers parentum suorum culpa, uel etiam fortunę existat ipse, quę tamen in filio procuranda sunt: commune enim est & a natura inditum in omnium animis parentum desiderium, ut filios relinquant meliores & clariore se, quod euenit amore quodam naturali, neq; magis filij, quàm sui ipsius in unoquoq; propter insitum & innatum studium perpetuandę uitę, quo ad cupiditatem rapimur immortalitatis: pater enim in filio ipse uiuere, & transferre semetipsum in suam imaginem sibi uidetur. Sed ut aliqua in patre desint, ad quę non amplius iam illa est ætas, fundamentum tamen omnium in ipso est, bonus rectusq; mos uidelicet, & constans ac grauis domi disciplina, de qua summatum nobis dicendum est, & hic locus totus continenti oratione breuiter comprehendendus: quandoquidem quę ad literas & ingenuas disciplinas attinent ordine paulò ante proposito, in secundum locum dicendi reiecta sunt. PAV. Et recte quidẽ, nõ enim difficile postea fuerit reuerti ad annos & pueritę primordia, si sic fuerit opus:

opus : & ego nunc quidem hac parentum uirtutis , & quasi quadam in filijs delineatione ualde delector . Siue quod est egregia & digna animaduersione ista res , siue quod horum maximam partem ego quoque in memet à uobis , qui me aluistis , ac produxistis , expertus sum. **IA.** Sit igitur hæc prima parentibus proposita lex erga eos liberos , quos ipsi uolunt ad uirtutis optimam frugem producere , ut quales eos effici student , tales ipsi etsi uideantur . Neque hoc tamen , quod præcipitur à nobis facile factum admodum est : quod ei qui uelit assequi , noscenda & tenenda est in rebus mediocritas : cuius usus difficillimus , fructus præclarissimus semper fuit . Verum si quis forte fuerit pater , qui minus ipse regendo filio idoneus , illum tamen cupiat in utrum magnum adolescere , requirat magistrum aptiorem , cuius in disciplinam filium suum committat : satius est enim externis moribus probum , quàm domesticis degenerem filium educari . Et hoc tamen factum sepe à summis uiris non legimus solum , sed perspicimus ipsi : nisi forte Philippi Regis Macedonum consilium reprehendendum est , qui cum Alexandrum filium haberet ea spe atque indole maxime uirtutis , quam res deinde ab illo gestæ comprobauerunt : tradidit eum à puero summo Philosophorum Aristoteli instituendum . Sed nos quidem sic nunc ponamus , tanquam parens ipse ad puerum instituendum atque erudiendum aptus sit , quod & sæpe animi ardore quodam efficitur , ut etiam si antea minus cogitauerit quæ ad eiusmodi uitam moderatam atque grauem pertineant , amore filij incensus in eam curam totum se conferat . Adhi-

tristitiam rerum nuncijs, à cæteris cuiusq; modi affectibus, intestinisq; pulsionibus ferunt animos & quatiunt; & de statu eos demouere conantur, ita sustinet & regat, ut appareat intuenti, motus illos animi quamuis incitados & celeres, expectare tamen & morari rationis imperium: nec excurrere audere, nisi cum, & quoad illa prestiterit: quo spectaculo quidem nihil ærni in rerum natura potest diuinius. Quid enim oculis hominum tam preclarum, tamq; magnificum, atq; in omni pulchritudinis dignitate tam eminens accidere potest, quam uirtutem animi intueri moderantis motus, & cupiditates suas, easq; ad rationis normam apte dirigentis? qua consuetudine si à primo imbutus puer in parente ipso fuerit, nã ille egrègiam sementem in animo conceperit futurę in se prestantissimę uirtutis. Sed hanc modestiam & temperationem animi sequitur corporis in omni motu ac gestu quædam quasi tarditas: non ponderis illa, neq; lentitudinis, id enim plerunq; ignauię, & desidii potius est, aut etiam stultitię interdum, & stoliditatis. Sed quę se ad illam interiorē grauitatem accommodet, eisdemq; & astringatur habentis, & laxetur, quibus regitur animus, ut cum eueniat interdum ut acrius aliquid agendum contendendumq; sit, manuum, pedumq; celeritas, & uultus, uocisq; acrimonia, non interdicta nobis à natura, sed ab ratione intus atq; consilio ad usus necessarios reservata fuisse uideatur. Hoc, ut dixi, quod est ipsius uitæ quasi decorum quoddam, ornans illam totam atq; illustrans, nosse quid quacunq; in re deceat, & quando & quatenus, maxime

xime quidem comprehenditur & perficiatur ex philosophia,
 quæ una facit, ut sit ipsum sibi undiq; & in omnem ul-
 tam semper consentiens: sed plurimum etiam ætas, & re-
 rum multarum usus affert, & in humanis euentibus quid
 plerunq; acciderit, & accadat, diligens animi, aduersio,
 quæ & philosophiæ ipsi materiam instrumentumq; sup-
 peditat, & sola sine philosophia in homine acuto natura,
 atq; proba, speciem potest effingere uiri sapientis: ple-
 nam autem ac perfectam sapientiam nequaquam potest.
 Debet aut pater familiæ cum semp̃ animum suum habere in
 potestate, tum uero cum presente filio aliquid eiusmodi
 contingit, in quo uideatur debere commoueri, aduocare
 meminerit consilium rationis: neq; solum quod conueniat,
 agere id atq; exequi: sed cum quadam etiam dignitate,
 ut quammaxime fieri potest, in animo pueri illæ præcla-
 re species insinuentur, & insideant, quæ ubi sedem sibi,
 locumq; in eo constituerint, usumq; & auctoritatem domi-
 cilij fuerint nactæ, nullo postea modo passuræ sunt dede-
 corosas alias, deformesq; species propè se accedere, aut
 diutius considerare. Sit itaque pater ab hoc uitæ instituto
 pius ac reuerens erga Deum immortalem, cum equali-
 bus comis, maiorum absq; assentatione & uenditatione
 sui obseruator: in seruos uero ac domesticos mitis potius,
 quam asper: uerum ut retineat gravitatem imperij, sibiq;
 ad nutum omnis præsto esse instituat, utaturq; domi bre-
 uiloquio, uoce leni quidem, atq; placata, sed uerbis ua-
 lentibus: neq; seruorum congressus & colloquia nimis sæ-
 pe appetat, aduentibus tamen, & aliquid exposulanti-
 bus,

bus, semper sit comis, respondeatq; summam quod sit æquum & bonum. Ut autem ipsi inter se sine concordis & pacem colant, nemi nq; fiat iniuria: atque uti inopia laborantibus, uel etiam morbo oppressis ipse subueniat cum quadam cura, significatione q; beneuolentæ, uerbis quoq; & factis aliquanto benignioribus: hoc patri utiq; familias non in ultimis habendum est, si eos continere in amore sui, & in magno metu suæ amittendæ familiaritatis uelit, quam illi sic tractati, sæpenumero ultra sua habere cariores: & inest tamen in hoc toto genere grauitas quædam & auctoritas imperij, specimen dignitatis eximium demonstrans, quæ ad magnificentiam animorum exaggerandam pertineat: in generandum est enim in animo natura q; pueri excelsam illud & rectum, quod nec in potentioribus obseruandis grauitate careat, neq; in regendis humilioribus mansuetudinem deponat; cuius uti pulcherrima, sic difficiillima est tractatio: & tamen eius prima lineamenta ducere in animo filij, sui imitatione debet pater, quæ postea in eo etas illustret, usus confirmet, philosophia perpoliat. Atq; hæc nos sermone percurramus, non ut instituamus familiæ patrem, maius enim id negotium & maioris operæ sit: sed quantum ex eo manare ad filium boni moris quadam specie uirtutis ac dignitatis imitanda pôt, id ut quasi penicillo leui duamus, & describamus in animo recte & tenero, quo tanq; in arbutulari molli adhuc cortice inscultere. sic hæc uirtutis in pæro descriptio, tpe demum aucta & cõfirmata obualeat.

PAV. Optæ istuc quidē, nā nec difficile fuerit, meo quidē animo.

animo, ubi tales parentes extiterint, filios, probos & pruden-
 teis existere. I A. Recte sanè: sed ego illud abs te
 existimari Paule uolo, cum uirtutis omnis doctrina aut in
 exemplis constituta sit, aut in præceptis: hoc est, ut uel
 oculis, uel auribus in animo concipiantur, maiorem propè
 habere eum hæc, quæ quasi prætereundo, & non dedita
 opera fieri uidentur, tantumq; exemplo mouent oculos ad
 informandas puerorum ad uirtutem mentes, quam quæ
 ad hunc eum ipsum finem palam intenta sunt. mouet enim
 illa admiratio paternæ uirtutis, quæ in quotidianis mori-
 bus elucet, pueriles animos ad uoluntatem imitandi, præ-
 claroq; spectaculo inuitat, ut fieri aspiam similes: cum
 præsertim uideam eos, qui circum sunt, cum silentio &
 ueneratione patrisfamilie imperia exequi: obuersatur enim
 illis ante oculos & in intimos sensus obrepit, nec uigilanti-
 bus solum, sed sæpe etiam in somno, decorum & pulchrū
 illud, quod est solum per se, suaq; sponte spectabile: au-
 ius aspectus & admiratio prompta est, eaq; omnium com-
 munis. Scientia uero paucis concessa, atq; in hoc quidem
 genere tūc magis, quam uocalis patris eloquentia ad in-
 stituendum filium proficiat, ea uidelicet quæ ipsis factis
 loquitur: nam uerbis agere, & dare ea uite præcepta fi-
 lio, quæ pater ipse sibi non sumpsit, idem est ac profite-
 ri se itineris ducem esse in eum locum, à quo ipse longe di-
 uersus abscedat. Quod si talem ut queat gerere personam,
 aut à natura non accepit pater, aut sibi ipse studio & me-
 ditatione fingere non potuit: eum ut iam diximus, homi-
 nem requirat, cui recte in disciplinam filium possit trade-
 re. Verū

re. Verum nos, ut cœpimus, in patre insistamus, qui aut esse talis debet, aut ut sit, optandum certe est, qui precundo filium possit ipse in iter rectum ad uirtutem deducere. De quo nondum à nobis dictum est, quod est maximum, & ab hominum usu fortassis atq; opinionibus longe remotissimum. P A V. quod nam quæso istud est? magnum enim esse profecto, quicquid sit, necesse est, quod ad res, tam præclaras, quot iam strictum oratione percurse sum, aliquam accessionem queat asferre. I A. Hoc nimirum est, in quo uita communis tanquam in scopulo erroris alliditur, quod omnes penè homines diuitias putant & magnitudinem pecuniæ ad uitam bene ac laute agendam, maximum simul adiumentum, ornamentumq; existere. Atq; hoc fortasse non usquequaq; falsum est, magna enim commoda atq; adiumenta hominibus, non ad uitam solum, sed ad usum etiam exercitacionemq; uirtutis, à pecunia parata atq; à domesticis opibus sum. Sed hac opinione & sententia longius ductos, ne scire sibi constituere finem, & modum ignorare tam quærendi quidē, quàm etiam utendi: nullam hac ego statuo pestem in humano genere perniciosiorem incidere potuisse: per quam quod patet scilicet, & perspicuum est, hominum inter se societas & fides iampridem sublata penè, & de uita tota exterminata est. Ast ego contra contendo, donum eam quæ diuitijs, pecuniæq; redundet, necessario omnis recti moris, & propter eam causam uitæ quoq; pacatæ ac iucundæ expertem esse. Neq; ideo dico, quod paupertatem & inopiam è contrario ad sciendam putem: facile enim assentior

assentior Regi sapientissimo Deum obsecranti, ut nec diui-
 tias sibi, nec paupertatem, sed tantum ad degendam ui-
 tam donet necessaria: quam item sententiam, pater ille phi-
 losophorum, noster Plato comprobat. Sed cum flagitia
 hominum & scelera maiora quædam sine, alia minora, su-
 scipiendum est, maioribus nimiam rerum copiam fontem
 originemq; esse, minoribus inopiam causam afferre. Ego
 uero malum elus familie, è qua ingenuum puerum, adole-
 scentemq; instituimus, sic opes domi, & fortunas esse
 constitutas, ut dominus questum nullum faciat, sicq; dome-
 sticis uectigalibus contentus, quæ potissimum consistant
 in fructibus prædiorum, ea porro suppedient ad usum
 cultumq; quotidianum, non modo commode, uerum etiam li-
 beraliter: sed quibus dispensandis frugalitas adhibeatur;
 nam luxum, & opulentiam, & uarietatem supellectilis,
 multiplicesq; domi ornatus, atq; cultus, tanq; uita uenena
 in primis fugienda esse duco: frangit enim, & conterit uim
 totam uirtutis, animumq; prorsus dissipat illa abacorum,
 mancipiorum, gemmarum, tabularum pictarum, uestisq; sra-
 gule elegantia, ac uarietas, suiq; inani in admiratione deti-
 net; ut uariissimis studijs homines occupati, ad ea, quæ sunt
 uirorum industriæ neruos & continentia ne queant inten-
 dere: ac tunc minime, si in quotidianis epulis, & ijs, quæ
 epulas sequuntur, ludis, iocis, cantibus, festiuis lepidisq;
 dictis, omnis & uitæ & pecuniæ fructus reponatur. Hoc
 enim ex genere uitæ, & assiduis domi delitijs, uini, cibi quæ
 affluentia, ac quotidianis quodam modo lustris, cum dies,
 & horæ, & tempora in aliqua semper uoluptate consu-
 mantur,

mantur, non modo, feroces, & infesti, & arrogantes animi adolescentium fiunt, sed immoderati etiam, & effrenati, & crudeles, atque in omni genere deprauati: ut in naturam mentemque tyrannicam euadant, nihil quod iudicant rectum, nisi ipsis quod libuerit: ceteros autem homines pecudum ac iumentorum instar sibi seruire statuunt oportere: ut confitendum planè sit, quàm in domo, atque adeo quàm in ciuitate huiuscemodi uigeant mores, seminem in ea omnium malorum & calamitatum esse iam etiam: nec fieri posse, ut stans illius Reip. aut diu quietus, aut in uniuersum diuturnus sit. Atqui hanc uulgus liberaliorem uitam appellat: falso istud quidem, ut alia multa: quippe cum ex hac potissimum consuetudine uiuendi, his profusis & luxuriosis sumptibus, auaritiâ existere necesse sit, illam uiolentam & rapacem dico, per quam nationes urbesque eueruntur. Sed quoniam de his rebus subtilius differendi non est in presentia locus, sic patrifamilias prescribamus (sit modo is, qui liberos cupiat inuitos fortes, industriosque euadere) frugalitatem domi, & temperantiam, ac in omni cultu uictuque parsimoniam illi retinendam esse: quæ tamè absit à sorde, nec minuti angustique animi iudiciû præferat: quod fiet, si quotidiano & penè statò apparatu, mensis mûdis potius quàm locupletibus, non obsoniû parce præbitû, sed cõquisitio & uarietas fuerit repudiata: uidetur enî in hac moderatiõ e uitæ rō in eâ splēdiida & liberalis, uitiû in utrâque pte diuitiâs, digna sapiēte patrefamilias, cuius quæ ad liberos educandos p̄inet, in hac pte quidē peculiari curatio est: nam matres ferè & fœminæ omnes indulgentiores

indulgentiores sunt, itaq; infurciendo & suggerendo quod-
 cunque expetitur fuerit, corrumpunt mores puerorum,
 neq; aduersus eorum uoluntatem uel ipse quicquam mo-
 liuntur, aut dicunt, uel alios patiuntur loqui: quo uno
 maxime regnum in anima cupiditatum, & Tyrannis ipsa
 alitur. An non attendisti his diebus Paule, cum Persarum
 res gestas legeres (me enim autorem & Cyrum Xenophon-
 tis, & Herodoti historias græcæ amplexus es) quantum
 ex diuerso cultu institutione q; puerili, diuersæ Regum il-
 lorum naturæ, & contrarij inter se mores extiterint? Cy-
 rus ex patre nobili ille quidem & in primis claro apud
 Persas, sed tamen in illis moribus educto, quibus panis
 & aqua cibis, obsonium autem nasturtium herba, aut si
 carnibus uellem uesci, illæ erant labore & sudore, nec si
 ne uitæ interdum periculo in syluis & à feris expetendæ,
 magnus extitit Rex, natus ad res gerendas, laudem &
 gloriam in imperio amplificando unam præcipue spectas:
 cuius erga populares comitas atq; æqualitas, in bello ui-
 ctas nationes clementia, atq; iustitia effecit, ut non magis
 eum charum haberent ciues sui, qui semper amauerant, quam
 deuicti hostes, qui antea illi grauiter offensi fuerant: no-
 men quidem illustre est, & sempiternam laudem uirtutis
 ad posteritatem consecutus. Hic Cambysem filium, quem
 hæredem nominis, atq; imperij relicturus erat, alijs ipse
 uidelicet negocijs occupatus, alendum mulieribus permi-
 sit: non enim uirtutis uim, neq; rationem è philosophia,
 quæ una facit, ut illa sit sibi in omnem partem consen-
 tiens, sed à natura tantum acceperat: ergo dignum inue-
 nit in

uenit in progenie sua muliebris disciplinae fructum omni-
 bus enim in delitijs, & mulierum blandimentis educatus
 Cambyfes, & assuefactus à puero, nihil offendere, quod
 esset suis cupiditatibus obuium, postea Rex appellatus,
 ad eam intemperiem animi amentiamq; progressus est, ni-
 hil ut eum neq; saturare, quod usitatum esset, neq; quod
 legitimum delectare possit: ita ad cædes multorum, & in
 his fratris sui germani, furore quodam amentiaq; indu-
 ctus, cum etiam Deorum immortalium numini illuderet,
 ad extremum sibi manibus allatis, & semetipsum unà &
 totam Cyri domum pessundedit. Delatum est postea ad
 Darium Persarum regnum, spectatq; nobilitatis inter Per-
 sas, sed auius tamen domi cultus atq; fortuna longe à re-
 galibus delitijs absuisset. Is porro ad imperandum non
 eandem fortasse animi magnitudinem, quam Cyrus, parem
 quidem iustitiam atque humanitatem attulit: quare eius
 quoque opera regnum Persarum maius effectum est: à quo
 genitus Xerxes ab eadem atq; Cambyfes educatione mu-
 liebri, paternaq; negligentia, Persas honore & laude cu-
 mulatos, graui ipse dedecore & calamitatibus plurimis
 affecit. Atq; hæc iccirco memorata sum à me, tibi Pau-
 le, ut appareat quod pluribus uerbis fuit necesse dici, nul-
 lum esse obicem ad uirtutem adipiscendam maiorem, quàm
 delicias domi, & conquisitores, quàm moderata ratio
 postulet, rerum apparatus: quorum studio si captus fue-
 rit parens, nil est quod contendat fortem & strenuum,
 & idoneum magnis rebus post se filium relinquere. Quid
 ergo est? placet mihi seueram & castam domi esse disci-
 plinam

plinam : neq; eam tetricam tamen, sed conditam liberali
 quadam comitate, ut domestici nullius rei indignant, ami-
 ci autem & hospites intro libenter commeent : ad quo-
 rum aduentus, inuitationesq; paterfamilias splendorem
 conuiuij, & hilaritatem uultus ac sermonis maiorem ali-
 quanto illa quotidiana adhibeat : lautius quoq; accipiat,
 & elegantius, nec tamen profusi sumptibus (hos enim sem-
 per abesse à bene constituta domo uolumus) quin in ipsis
 epulis & uino tanta poterit inesse exploratio & obser-
 uantia quadam, quo se nam pacto filius gerat : num pa-
 triæ disciplinæ ac moderati usus memor, pudorem in con-
 uiuium modestiamq; retineat, noueritq; sibi ipse in poculis
 temperare : hoc enim documentum capi in pueris atq; ado-
 lescentibus in primis conducere censet Plato, ad specu-
 landum quæ sit natura cuiusq; : neq; id nos repudiamus :
 etenim consilium est periculo uacuum, præditum utilitate,
 in quo si satisfecerit adolescens, lætitiâq; conuiuij hilari-
 tate potius & sermone liberali, quàm palato & guttu-
 re metiendam sibi duxerit, nã de eo non nequequam spe-
 rare licitum fuerit, talem eum fore, qualem quisq; debet
 unus suum optare filium ut sit pater. Sed ut nostræ in
 hoc genere præceptionis summam faciamus : debet is pa-
 terfamilias, qui in ingenua disciplina ac liberali, eademq;
 casta & moderatâ alere liberos suos uult, sic habere con-
 stitutam domi quotidianæ impensæ rationem, ut & par-
 simoniam sciat tenere sine sorde, & splendorem ac li-
 beralitatem adhibeat, cum uenit usus, sine profusione &
 luxuria : ab omni quidem parua & conarsa cogitatione rei
 cuiusq;

cuiusq; uel minime curandæ prorsus refugiat, quæ omnis
 planè eicitur ex animo ingenuitas, & uirtutis indoles
 obsolescit: hoc enim ex genere morosi, & difficales, &
 molesti homines efficiuntur, nec ceteris solum, sed sibi
 ipsi infesti, omnia quasi semper desperantes, iidem luci-
 fugi, pusili, ubi in cæcis se dedere, ridiculi, siti propè
 in angulis, nihil latum & liberum in animo comprehen-
 dentes: oppleti mentem sordibus, & minutissimis occupa-
 tionibus, quo quid uirtuti, grauitati, dignitati, altitudini
 animi fieri potest inimicius. Sed, ut ab hoc aliquando gene-
 re abeamus, habes Paule in patre formam eius exempli, effi-
 giemq; dignitatis, cuius ego aspectum & contemplationē
 propositā uelim filio ei, qui ad magnas spes alatur, ad imi-
 tandum atq; assequendum: quæ quidem in oculorum sensu
 posita sit, quorum interdum muta speculatio non minus
 proficiat ad uirtutem, quàm aurium auditus uocalis, de quo
 ipso posthac dicendum nobis est: hic enim sensus discipli-
 næ est & doctrine, & omnis sapientiæ peculiaris ac pro-
 prius, ut qui animum solus cernat, quem nequeunt uasili in-
 tueri. Itaq; Socrates ille Græciæ sapientissimus, oraculo
 quoq; delphico sic iudicatus, cum adolescentem quēdam fa-
 cie honesta ac liberali diutius contemplaretur, illeq; adsta-
 ret tacitus, dixisse fertur. Tandem ut te uideam, aliquid
 loquere: uidelicet ille hominem esse ipsum animum, animi
 autem cognitionem & perspicientiam non oculis, sed
 auribus attribuebat: neq; id iniuria, hauriunt enim au-
 res uocem, quam format & distinguit oratio, quæ cū sit
 simulachrum cogitationis atq; mentis, uehiculum sensuum

intestinorum, ex animo ad alium animum uia sibi faciens,
 perfert meditationes & commenta illius mentis, unde ipsa
 profecta est, per aurium meatus ad alteram mentem, lega-
 tione q; opportunissima & maxime utili fungitur, ut quæ
 in arcanis mentium penetralibus occulta alioquin laterere
 & abdita hæc auditus uocis q; ministerio, cum tota hu-
 manorum animorum nobilissima atq; acutissima gente cõ-
 municentur. PAV. Et si quæ de uisione oculorum
 dicta à te sunt, quatenus per eos species quædam ma-
 gnificæ atq; grauis transmittitur animo, cuius ille exem-
 plo & imitatione sit ornatior, summopere me delectaue-
 runt: tamen expecto non minorem ex aurium sensu uo-
 luptatem: quippe cum earum opẽ, illa ipsa quoq; quæ te
 oculis dicta sunt, ad animum meum grata iucunda q; per-
 uenerint. Nanq; & tu ad hunc ipsum sensum ornandum
 ac commendandum ijs uerbis usus es, ut non mediocris mihi
 sit in te audiendo facta expectatio. IA. Agemus hoc lo-
 co. Paule id, quod tu paulo ante dixisti facto opus fore,
 si acaderet usus, ut reuocemus orationem ad priores an-
 nos, quos noster sermo erat prætergressus, peruenerat q;
 ad quandam metam, hoc est ad terminum eius ætatis, quã
 nos tribus septennijs, & quarti dimidlo admodum intendi-
 mus definire: illo enim institutionis genere, quod exem-
 plis, & moribus maiorum intuentis uitam uirtutis imita-
 tione exornat, tota modo à nobis adolescentia comprehen-
 sa est. Cum uero ad ea referri orationem oporteat, quæ in
 præceptis & monitis, assiduis q; parentum uocibus erga fi-
 lios posita sunt, quò illis non solum proponatur, sed expo-

natur etiam ipsa uirtus, Principium fuerit nobis ad hoc quintus ætatis annus: nam & is dimidium ferè statura confiat, quod ad mensuram corporis pertinet, quantum alterum tantum uidelicet auctioris, & incrementi uiginti ceteri anni addunt consequentes: & eo uertente anno, primum puer qui in potestate mulierum totus antea fuit, ad curam patris bona ex parte traducitur, Iam enim & proloqui expedite quæ ipse intus concepit omnia, & planè intelligere alios loquentes potest. Ergo ab eodem initio & fundamento, quo prius omnem nostræ ædificationis substructionem de integro coagmentantes, ab religione inquam, & ab Dei immortalis amore atq; cultu, principia iterum nostræ ducamus orationis: non enim si solem quotidie oriri & reuerti iucunde cernimus, propter excellentiam claritatemq; maximi syderis, cuius splendore & lumine exhalarescunt omnia, minus debet ad animum uoluptatis accidere, cum de Deo sæpius eadem repetimus, atq; adeo multo plus, quando omnis pulchritudo, & fulgor, & uarietas cælestium astrorum, ab eius ipsius summi Dei infinita pulchritudine, tanquam exiguis riuis deducta est. Primum igitur & ante omnia curare debet pater, ut animum pueri illo timore Dei imbuat, de quo ante dictum est, qui timor solus ad inuictam fortitudinem animi aduersus humanos omnes casus firmandam & constituendam maxime facit: quod erit si uim illius, & ubiq; præsentiam, immensamq; maiestatem, non tam rationibus quidem, quas nondum capere potest filij ætatis, quàm exemplis, & narrationibus rerum earum, quæ diuinitus miræ

addiderunt, exposuerit filio: in beneficijs quoque eiusdem
 Dei commemorandis, quibus et priuatim ipse ab illo, et
 omne genus humanum commuratur affectum est, et assi-
 duus fuerit et diligens: in quo mysteria nostrae religio-
 nis continentur, quae sunt tradenda et insinuanda peni-
 tus, neque hac informatione filij ad pietatem et religio-
 nem: quicquam habendum est antiquius. Quod preclare
 fiet, si quae sancte et pie filio de rebus diuinis monstra-
 uerit pater, ea non uerbis ipse tantum, sed factis et ope-
 ribus usurpabit. Secundum Deum autem Diuosque omnes,
 quos aut bonitas Dei statim ab initio, aut post preclara ipso-
 rum in terris merita, et honestissime acti dies in caelum
 sustulerunt, quorum utique debet praecipuus uigere honos,
 et immortalis apud mortales gloria, parentes suos atque
 maxime docebit esse honorandos, et re uera cum fere om-
 nia parentibus debeantur, ortus enim noster et uita, lux
 quoque ipsa haec diurna, quam ore, oculis, naribus, totius
 denique corporis contactu uolutatuque libenter et iuande
 percipimus, ipsis accepta referenda est: tum autem labo-
 res ab eis causa nostra suscepti, pleni curarum et sollicitu-
 dinis, quo illi ut alant nos, et producant, sistamque ho-
 neste in coetu ciuium, atque aequalium nostrorum, non mo-
 do non refugiunt, sed appetunt ultro, et consecretantur:
 digni profecto sum, ut illis omnis à liberis gratia debea-
 tur, quae pietate potissimum, et cultu eximie cuiusdam ue-
 nerationis reddenda est: quam sequitur procuratio illorum
 uitae ac salutis, et ut eorum necessitates, atque incommoda,
 labore, ac diligentia nostra depellamus: suppeditemus ege-
 stati,

stati, infirmitatem sustineamus, omnes domi ferisq; molestias, quæ undecumq; inferantur, ab illis propulsemus. Etenim si bene Hesiodus, qui iubet pari mensura reddere beneficium, quod ab alieno acceperis, aut cumulatione etiam si queas, quantum tandem erit parentibus impendendum, quorum beneficijs par nulla est grãtia quæ possit reperiri: nec uero etiam quamuis infirmi, decrepiti, depositi, unquã inutiles filijs parẽtes sum. Sed ut Diuorum imagines, & si mulachra colimus, ob memoriam beneuolentiamq; eorum, quorum uulibus assimulandis illa efficta sunt, & quod arbitramur ipsos illos Diuos propterea ad benigne nobis faciendum propensiores fore: sic nullum Dei immortalis si mulachrum apud nos, quàm in patre & matre potest esse præstantius, Atq; his ita crudiendus est tener animus filij in honore cultuq; parentum, ut pater matrem filio, mater patrem, utrunq; autem domestici ac familiares colendum ac uenerandum puero proponant. Neq; in solis tamen parentibus hic à liberis honos insistere: sed ad auos, reliquosq; maiores, si forte superstites adhuc sint, progredi etiam debet: cum in illis omnium, quæ à parentibus acceperimus, causa uideatur etiam esse antiquior. Porro ab hac in patres auosq; reuerentia, hocq; honore pio ac debito, reliquus quoq; iste honor & communis cultus, qui sembus, & grauibus, & etate affectis hominibus impenditur, tanquã ex alueo pleno pudoris & probitatis exuberat: iustus ille quidem, neq; illi ætati non congruens, quæ sibi patrium non inmerito nomen uindicat: nã et de principio pueri quos nondum subtiliter et exquisitè ex oris uultusq; lineamen-

C 4 tis possunt

tis possunt discernere, illo aspectu senili admoniti, cunctos uocant patres: & deinde postea cum æqualibus consuetudo propè fraterna coniunctioq; amoris præbet in patribus eius nominis communionem. Iam illa ætate quicumq; est, si non generatione, at consilijs potest puero atq; adulescenti fieri pater. Quā ob rē rectissime Romulus, siue ille Numa extitit, quorū alter urbis, alter iuris & religiōis Romanæ fuit parens, hac senectutis cum nomine paterno cognatione adductus, summum consilium Ciuitatis Senatū, ipsos autem Senatores Patres nominauit: Statuitq; senioribus decedi de uia, caput nudari, & assurgi aduentibus ab iunioribus debere: quod maxime ac diligentissime Lacedæmone obseruatum fuisse literis traditum est: mirum enim quanto in honore habita fuerit semper in illa Ciuitate prouectior ætas. Ex quo extat illud: ab homine Spartano salse ac doctæ Atheniensibus exprobratum. Ludis enim Athenis cum Lacedæmoniorum legati in gradibus orchestre honorifico sanè loco assediissent, postq; aliquantum pleno iam theatro ingressus senex, innixus baculo, homo sanè haud magni pretij, circumiret quærens locum, neq; eum sessum reciperet quisquam: ut uenit ad Lacedæmoniorum legatos, illi confestim ob ætatis reuerentiam honorifice assurgentes, superiore illi subsellio concessere: propter quod eis cum esset maximo plausu ab uniuerso theatro gratulatio facta, unus eorum non illepide, Ergo probe, inquit, norunt Athenienses quid facere rectum sit, sed id facere ipsi negligunt. Formandus itaq; parentum præceptis & diligentia est puer, ut honorem senibus, & maioribus

toribus natu habere condiscipula, habeatq; eos penè in pater-
 nentum loco: proficiat enim huiusmodi observatio cultusq;
 maiorum ad omnem uitæ modestiam adolescentibus pluri-
 mum, quod & pudorem in animis eorum ingenerat, &
 multos illis actorum dictorumq; suorum constituit testes,
 ut nullam in partem ipsi audeam extra honestum & re-
 ctum se commouere. Dum enim quos uerentur & colunt,
 eorum magisterium (ut ita loquar) & malam de se reformi-
 dant opinionem, difficilem habent magis rationem peccan-
 di, deprehensiq; erubescunt: unde à uerendo dista est uere-
 cundia, quæ est actus ipse pudendi atq; erubescendi, in uul-
 tu peccatum pingens, & liberalem ferens criminis com-
 missi multam: uadem boni ingenij tamen, & expectatæ
 in puero uirtutis, ut sanè apposite uideatur dictum, Erubuit,
 salua res est. Nam pudor ipse habitus est cauendi,
 & prouidendi, ne quid tale contingat, ut sit erubescendum,
 omni quidem ætati congruens, sed ornamentum præcipuum
 adolescentiæ: quem si amatorem flagitiorum, & propu-
 gnaculum continentis uirtutisq; dixerimus, haud sanè fal-
 so eum appellauerimus nomine. De quo suaserim equidem
 parentibus, quibus nostra non leuis futura est autoritas,
 ut hanc pudoris stirpem in ingenuis animis satam à natu-
 ra, omni ipsi ope fouere ac propagare in literis non possint
 mittant: fructus ex ea uerbes suorum laborum percepturi.
 quamuis enim non sit pudor idem planè quod uirtus, fir-
 mamentum est tamen præcipuum uirtutis: malæ enim de
 se opinionis atq; infamæ est timor, in quo seuera est &
 diligens uirtutis custodia. Itaq; qui pudorem diuinum timo-

rem esse dixerunt, huius uim affectionis melius denotasse sunt uisi. Solus enim pertimescit ne id amittatur à nobis, quod unum obtinemus honore ac dignitate propemodum diuinum, decus atq; honestatem uidelicet. Ac cæteros mortis & periculorum pauores, metus, formidines, qui animos abijciunt ac propè exterminant, cum plerunq; uanos atq; inutiles, tum semper turpes esse merito existimamus, quorum etiam species ipsa indecora & illiberalis sit, nam & lurido pallore os, & tremoribus membra concutiant atq; deformant: quod accidit animo refugiente ad arcem uitæ, quæ in corde est, & omnia illuc subsidia undiq; aduocante: ut quasi deseruisse exteriorem mœnium ambitum, & cecidisse hosti loco uideatur: pudor uero occurrit foras, extra enim est periculum, ab opinione scilicet, atq; oculis, & ruborem in uultu, tanquam personam ad peccatum opponens, se cœlatum cupit, in quo ipse sese indicat, nec tamen magis deliquisse sese, quam uiri in animo, q̃ deliquerit, ostendit: idq; ita uenuste facit, ut cum uideatur fateri peccatum suum, in eo ipso deat, in quo fatetur. Sed quoniam de his satis multa, redeamus ad id, quod dicebamus, illud idemq; de integro sæpiusq; dicamus, huius affectionis uim atq; naturam, quæ timorem alit in animis ignominie, atq; propagat, ab eis patribus, quibus recta liberorum educatio est cordi, studiosè in filiis inse- rendam, colendam, adaugendamq; esse, ut quæ quoad uera ratio & philosophia ipsa aduentet, bonam in eis mentē, opinionemq; custodiat: in quo aliqua non leuis à parentibus diligentia & cura est adhibenda. P A V. quæ mi-
pater?

pater? incredibile est enim quātopere audire cupiam. Nā
 & si acceperam à uobis, qui me aluistis, atq; institui-
 stis, honorandos parentes, & maiores natū colendos,
 idq; ego pro mea parte ut agerem, essimq; uobis dicto au-
 diens, studiose enitebar: nunc tamen cognita utilitate ue-
 stri consilij, & quantus inde pudoris existat fructus in-
 telligens, quod antea non animaduertebam, ero potius
 in parendo, & perseverando etiam constantior: quod qui-
 dem mihi præcipue præter ceteros conuenit: quando cæte-
 ri à singulis, ego ex binis parentibus ad uenerandos, co-
 lendosq; maiores productus sum. I A. Lector Pausa non
 inaneis fuisse operas nostras, quibus te ad philosophiæ
 studia applicare cœpimus, iam enim mentē concipere te in-
 telligo, quantum ad rectū morem uera ratio & scien-
 tia ipsa firmamenti asserat. Sed quod de pudore in liberis
 alendo & conseruando dicebam, id eiusmodi est, ut pa-
 tres, quos iste amor filiorum ad decus & ad dignitatem
 instituendorum, dignus patria charitate indulgentiaq;
 cœpit, suscipiant negotium cum lenitate & mansuetudi-
 ne, nec ullam asperam, ac perterricrepam (ut uetus Poe-
 ta inquit) erudiendi atq; instituendi in eandē uiam: uerum
 facilitate, clementiaq; utantur: uerum ut in omnibus serue-
 tur semper grauitas: non enim usq; eo demittere se debet pa-
 ter, ut familiarem se, & ueluti sodalem constituat filio: ex
 quo oritur in puero patris cōtēptio, & fiducia quæ dā sui-
 ipsius, ut tanq̃ nulla astrictus lege, qd̃ uq; libuerit, præfra-
 ctius id cōcupiscat: neq; rursus ita austerus eē & pūax,
 ut non multum comitatus atq; humanitatis filio impertiat:
 uiuamq;

uiuamq; imaginem sui, qua nihil est parentibus in omni ui-
 ta dulcius, non ardore quodam beneuolentię foueat chari-
 us atq; amplectatur. Sed ut moderandum est amori, ne ni-
 mia indulgentia corruptus puer, exuat metum & reueren-
 tiam sui patris: sic à præcipiti & prærupta asperitate ue-
 hementius etiam abstinendum est, quæ amorem elidit ex
 animo filij, eumq; in id uoluntatis & studij adducit, ut quę
 auctori patri placere in se cognouerit, habeat ipse odio: &
 uel ad illiberalem animi timiditatem se abijciat, uel si fue-
 rit natura contumacior, nitatur in aduersum, & detre-
 ctando imperium patris, quotidieq; deterius aliquid fa-
 ciendo, quasi paternas iniurias sibi uideatur ulcisci. Hæc
 intuens qua fuit sapientia, & quo usu rerum maior ille Ca-
 to, in primis ferre, & habere in ore solebat, Non minus
 pollui, & detestandos esse patresfamilias, qui coniugi-
 bus & liberis, quàm eos, qui delubris Deorum immorta-
 lium manus attulissent. Et uere, si cogitare uolumus, am-
 nemini expediat metu contineri in officio, minime conue-
 nit liberis, quorum præsertim animos ad deus & ad ho-
 nestatem cupimus informare: infirmus enim & debilis
 uirtutis custos metus est: quem qui adhibere in filijs uo-
 lunt, audiant Terentium è communi uita huiuscemodi pa-
 tres commode admodum obiurgantem. Et errat longe me a
 quidem sententia, qui imperium in liberos grauius & sta-
 bilius esse putat, ui quod fit, quàm quod amore adiungi-
 tur. Sit igitur hoc patri in primis propositum, ut se ama-
 ri & magnificari uelit à filio: quod assequetur, si neq; mo-
 rosus, neq; asper, neq; singula curiosius inspectans, nullamq;
 in partem

in partem immittas fuerit, & truculentus, præbuerit q̄; se
facilem & indulgentem filio, gravitate tamen ubiq̄ re-
tentus: id autem erit, si ita facta dictis temperauerit, inter
se q̄; miscuerit, ut in is, quæ erunt studij alicuius & uolu-
ptatis (quæ quidem sit concessa atq̄ ingenua) nihil aut pa-
rum uerborum interponens, largiter cuncta suppeditaue-
rit filio, siue equis ille oblectetur, seu canes ad uenandum
appetat, uestitu etiam indulserit liberali & splendido, ne
que nimio tamen: ac deinceps hisce omnibus ut uocare
æquales suos, hospites q̄; accipere domi, munerare etiam in-
terdum aliquem ex sodalibus suis possit: hæc enim pater si
nihil prius gerriens cum filio, neq̄ ineptis colloquutionibus
iocum & hilaritatem querens, grauiter atq̄ magnifice, ac
tquam consilio certo, utenda, agenda, regenda q̄; concess-
rit: mirum quantus in animo illius infidebit, & ad amo-
rem, & ad reuerentiam, nihil ut audeat, ne cogitare quid-
dem filius, in quo displiceat patri. Rursus si in ijs, quæ
erunt uirtutis atq̄ officij, quæ ad modestiam, quæ ad con-
tinentiam, quæ ad comitatem cum æqualibus pertinebunt,
humanitatem cum inferioribus, erga superiores cultum,
atq̄ honorem, pater orationi præceptis q̄; non pepercerit,
fuerit q̄; in monendo & docendo assiduus. Porro autem in
rebus ipsi atq̄ factis, in quibus recta disciplina cernitur,
nihil gratiæ causa permiserit filio, neq̄ suerit ut suo ille ar-
bitrio, ac non ex prescripto patris, præceptis q̄; uirtutis
quicquam gerat, agat que: nimirum hoc modo maxime
illa pudoris fertilis uirtutum & frugifera radix, idoneos
nacta cultus, ad summam dignitatem in puerorum animis
adulescet:

adolescet : neq̃ illis solum merum ignominie , sed amorē
 etiam injacet & cupiditatem in redibilem adipiscendę lau-
 dis : altitudine quoq̃ animi & celsis rectisq̃ uoluntatibus
 illos adornabit , ut abhorreant omnem sordem indignita-
 temq̃ : optimus enim artifex pater atq̃ is , qui refert ad di-
 gnitatem omnia , cum se & propter indulgentiam suam a-
 mari à filio , & propter grauitatem metui obtinuerit , faci-
 le illius ducet animum in quancunq̃ uolet partem , nec ul-
 lum semen in eo uirtutis frustra iacet . Itaq̃ se ille primum
 cupiet à patre & laudari & probari , laudato ipso (ut He-
 ctor ille Næuianus inquit) uiro , deinde ad æqualium fa-
 miliaritates & consortia ita se dabit , ut cum splendore ui-
 tæ , & morum nobilitate illis antecellat , humanitate ta-
 men uelit esse par . Sic uita erit , noster inquit Terentius ,
 facile omnes perferre ac pati cum quibus erit , cumq̃ unā
 his sese dedere , eorum obsequi studijs , aduersus nemini-
 nunquam præponens se illis , ita ut facillime sine inuidia
 laudem inuenias , & amicos pares . At noster iste aliquan-
 tum plus : præter laudem enim atq̃ amicitiam nouam , etiā
 admirationem summæ uirtutis obtinebit . Sed quoniā mul-
 ta cadunt in hanc etatem , quæ sunt interdum uitio pro-
 piora , quàm uirtuti : quod quidem necessarium uidetur
 ita esse , præpter efferuescentiam cupiditatum tum maxi-
 me , & quod nondum adulta in pueris & adolescentibus
 est ratio , quæ postea quàm bene confirmata est , uix etiā
 uidetur posse senes , & etate prouectos homines , ab omni
 errato & culpa cohercere : diligenter uidendum est patri ,
 ut ad regendam & gubernandam lubricam etatem filij
 multum

mūltum æquitatis & patientiæ afferat, acutèq; dispi-
ciat, siquid sit commissum uirtuti alienum, atque officio:
num id ex eo genere crimen sit, quod ad bonum morem
corrumpendum ualeat, an quod ab ætatis & adoleſcentiæ
quasi fermento quodam fuerit profectum, Horum nos cri-
mum genera in presentia non distinguimus, alienus enim
de his differendi est locus. Sed tamen sunt nonnulla, in
quibus pater dissimulare & pati, & aliquid permittere
ad l' scetiæ poterit, dum teneant illa aliquem modum, neq;
habeat necesse omnia pro suo iure exequi, In quibusdam
autem acrior, & uigilantior sit necesse est, nec pateſieri
aditum sinat ad ea insinuanda uitia, quæ cum ætate po-
ſtea accrescunt simul, indolemq; statim ab initio, si in-
ualuerint, uirtutis, mox & rem, & omnem bonam fa-
mam eijciunt: cuiusmodi aleæ, ganeo, atque impotentes
illi amores sunt, quos tyrannos animi præclare describit
Plato. Ac in superiore quidem illo genere, quod mitius
est, minusq; periculosum, si euenerit ut non possit, aut
ne debeat pater dissimulare, adhibeat filium, leniterq; eū
obiurget, suam de illo curam, sollicitudinemq;, & suum
illi ipsi errorem detegens, oret, obtestetur, ut ne patris
& propinquorum spem suamq; ipse laudem speratæ, atq;
exoptatæ dignitatis cōtēdat ire perditū. Nec multa erunt
opus, si rite ego cōiecto, & superiora prudentis disciplinæ
præcepta constabunt: grauior erit patre improbator sui
facti ipsemet filius, minusq; sibi ignoscet, magnoq; cum do-
lore feret preces & monita charissimi parentis. Sin autem
(Sed nollem tristius aliquid ominari, cum i hac familia, &
in his

in his moribus nihil uideatur accidere posse secus , quàm uelimus) Sed tamen siquid deterius fuerit factum , uehementer quidem agendum erit à patre , & uerbis grauioribus : non tamen usq; eò , ut ad trucem illam iracundiam serumpat , quæ cum uocem uultumq; perturbet , gestusque omnes impediatur loquentis , nunquam non de grauitate detrahit, & spectato uiro semper indecora est. Sed imitabitur senem illum Terentianum , sat seuere , ut uidetur , obiurgantem filium . Hem , tibi ne hæc diutius licere speras facere me uiuo patre ? Amicam ut habeas propè iam uxoris loco ? Erras , si id credis , & me ignoras Clinia. Ego te meum esse dici tantisper uolo , dum quod te dignum est facies . Sed si id non facis : Ego , quod me in te sit facere dignum , inuenero . Videntur ista permotura quamuis corruptum filium : hoc magis si fuerint ab ea disciplina , & ex eiusmodi patris , qualem supra formauimus , ore prolata : cuius nullo exemplo in paternæ culpæ similitudinem filius deductus sit. Erit item remedio , si grauitas rei postulabit , ad quod tamen extremum decurri placet , si pater à filio uidebitur factus alienior , nec eum amplius , ut consueuerat adhibebit , paulatimq; pristinam suam in illū indulgentiam , & antea solitam restringet liberalitatem : uel enim proderunt ista , uel aliud erit agendum. Verum quod nos prohibemus in filio , ne eum pater uerberibus cedat , nec ingenuam naturam ad seruilem detrahat conditionem , id in seruo & operario homine facile permittimus : cuius ea sit natura , quemadmodum de Phryge uetus prouerbiū est , ut plagis fiat melior : quod etiam erit

studium

studiosius faciendum, si quod peccatum in filio ægre ferat pater, id contingat in seruo delicto simili ut sit puniendum: ut omnibus modis intelligat filius, mentem ab sese patris, quandiu ipse illiusmodi fuerit, & à similibus factis uehementer abhorrere. Verum hæc nos uaticinamur, & ne quicquam tanquam accidere possint pertimescimus: à quibus omnis natura abhorret, non enim nec sufficiendum quidem est, quos talis aluerit, instituerit quæ disciplinæ, & ad rectum iter uirtutis induxerit, ut eorum possit natura & uoluntas ad praua studia conuerti. Reliquum illud tantum uidebit pater, & in eo quidem intendet animum curiosius, ut perspicat, & animaduertat cuiusmodi sine qui de familia aut ex iuuentute, multa familiaritate atque usu adhærebunt filio: uigilandum est semper, multæ sunt insidiæ bonis nostris, inquit, Ennius: & profecto uix datur spatium diligenti patri ullius capiendæ quietis. Sed ut illis sollicitudinibus & curis, si bene locatæ sint, nihil fieri possit dulcius. Ac de familia quidem breue præceptum est (quanquam sui cuique domestici debent esse noti) ut omnes æqualiter colant, honorent quæ filium, & aliquid mandanti dicto audientes sint: quotidianum autem obsequium, & cultum circa eum hi gerant, qui sunt nominatum præfecti à patre. Siquis uero extra ordinem insinuare sese in comitatum & consuetudinem nimis studeat, is tanquam aliquid malitiose cogitans repellatur. In iuuentute maius periculum est, nam & maior sæpe in magna copia sodalium dissimilitudo inest morum, & sunt inter eos aliqui natu grandiores, uel etiam annis longius prou-

D Et, qui

Et, q̄ ex illa ætate simplici atq̄ lubrica uarijs suis cupidita-
tibus pastum quærun, quorū in primis pernitiōsa ingenuis
moribus est consuetudo : qui quidem omni & sono &
strepitu, tanquam insidiosæ aures, ab gregē mansuetarum
perterrendi sunt. Iuuenem autem à iuuenum æqualium
congressu, & consuetudine arcere equum non est. Igitur
ad omnia huiusmodi pericula remedium iam antiquitus uisi-
tatum, pædagogorum cura atq̄ industria : qui cum assi-
dui comites sint adolescentibus, continent in officio, &
aliquid prauæ cæptābus, obuiā eunt : quos maxime proba-
tos, & sibi fideles eligere debet pater. Sed etsi horū studiū
ac diligentia nonnihil aliquando proficit, nullum tamen
fortius est in adolescentibus uirtutis præsidium, quā pudor
de quo ante diximus, & illa ordine directā ac sibi bene
constans disciplina familiaris, patrisq̄ in primis sapien-
tia & grauitas, quam cum usu quotidiano imbiberit fili-
us, exemploq̄ illo domestico & præceptis patris imbu-
tus, præclaras decori honestiq̄ imagines, quæ in animo
illius penitus infederint, detulerit secum in forum, & se-
cum cæterorum moribus studijsq̄ composuerit, tum inci-
piet notare atq̄ discernere, quid inter se atq̄ eos intersit,
qui nequaquam simili à disciplina profecti sunt : nec tan-
tum habuerunt Deorum immortalium beneficium. Tunc
suis fortunis gratulabitur, gaudebitq̄ experiri, & quo-
tidie aliquid agere ex illo ingenuo more atq̄ modo, cuius
fructum percipiet non solum in animo suo lætitiā, sed ab
æqualibus honorem, & à senibus admirationem, ab uni-
uersis insignem quandam beneuolentiam : eoq̄, uelut sti-
mulo

mulo amoris et laudis ad ulteriora semp incitatus, fiet quo-
 tidie in omni bona parte usu confirmator, benignitate m̄q; in
 primis exercebit, iuuabit quos poterit, oībus erit comis, mo-
 lestus nemini: probos & bonos arctiore sibi uinculo fami-
 liaritatis adiunget, reliquos non aspernabitur: ita aget di-
 cetq; oīa, ut in uerbis & in factis existat dignitas, non se-
 uera illa & grauis, quæ maioribus nati consentanea est,
 sed quæ cum hilaritate modestiaq; coniuncta maxime de-
 ceat adolescentiam. Deniq; oēm illam paternæ uirtutis ac
 dignitatis, optimorumq; morum similitudinem nōdum pla-
 nè robustam, sed ueluti cum ætate secum unā pubescētem,
 in cœcum æqualium & comitum suorū domo transferet,
 ut multi, qui intuebuntur ex eodem loco, eademq; ætate,
 quosq; illa egregia & puerusta species uirtutis comouerit,
 uideantur fore eo animo, ut conentur imitari: ex quo po-
 test coniectura capi, quantū ciuitati & toti reipub. euentu-
 rum sit boni, si hæc recte instituendæ adolescentiæ discipli-
 na aliquando publice coletur, cū unius interdum exem-
 plo intelligamus cunctam penè iuuentutem ad imitatio-
 nem uirtutis facile accendi posse. P A V L V S.
 Ita afficior mi pater, cum te hæc audio loquentem, ut
 lætitiā meam ipse uix feram: quippe qui Dei im-
 mortalis maximo dono adeptus sum, ut & hac uolun-
 te ad consecrandam uirtutem, & in hac disciplina a-
 rius essem, ex qua fructus iam aliquos capere incipio
 ex ijs, qui à te modo numerati sunt: sed cum in hunc uitæ
 statū & uirtutis usum pductus est adolescēs, quid nā que-
 so illi amplius deest, quominus felix sit ac beatus? I A. T O

tum id Paule, quod est maxime necessarium, virtus ipsa uidelicet, cuius umbram rectum esse morem iam toties diximus: nobis uero uestigandum & tenendum corpus est, ne tanquam in somno uisis inanibus decepti, sed uigilantes, & re uera summi boni efficiamur compotes. PAV. Iam intelligo te uelle philosophiam dicere. IA. Volo inquam uero: illa enim est una, sine qua nullius hominis uita (diuinam semper excipio sortem) suo pte certe ipsa consilio, nec sapiens unquam, nec beata esse potest. PAV. Cur igitur non quamprimum ad illam tertiam partem nostræ institutionis tendimus? in qua, ut arbitror, philosophia ipsa inest: cuius tota est, ut dicis, uirtutis expolitio. Et si enim me summo pte hæc delectam, quæ dicta sunt & dicuntur, tamen ad ipsum fontem & caput omnium uirtutum cupio accedere. IA. Vnum etiam restat Paule, de quo à nobis aliquid dicendum est, quod cum honore atq; utilitate primarium sit, propter quandam tamen opportunitatem in oratione à nobis factum est postremum: nullum enim adhuc uerbum de ueritate fecimus. At ea est præcipua non solum bene moratæ, sed etiam uere beatæ & sapientis uitæ procreatrix, sine qua nihil neq; probum, neq; prudens, neq; liberale, neq; magnificum uere potest existere. Quis enim mentiri & fallere non dico assuefactus (monstrum enim illud hominis potius quam homo est) sed uel paululum modo inducens animum, licere aliud sentire aliquando, aliud loqui, & habere linguam à corde discrepantem, in numero eorum ponendus est, in quibus spes à nobis futuræ eximie dignitatis constituitur? PAV.

PAV. Videtur uero repudiandus quisquis ille est: nec mihi uenerat in mentem, cum tamen iam quotidie magis ex te, & in Aristotele ipso, quem te hortante ac præmonstrante in manibus habeo, possim incipere nosse hoc tantum & tam eximium bonum ueritatis. Sed cur de ea mentionem in hoc extremo, ut tute inquis, loco faciendam tibi reseruaueris, id ego audire ex te expeto. IA. quia anceps est in utranq; partem & cum in omne genus doctrinæ scientiæ q; diffusa, tum ad bonum morem etiam pertinens: quoniam autem de more, & disciplina domestica, qua in primis assuefaciendus ad omnia recta & honesta est adolescens, dictum à nobis fuit: non quin plura alia possim dici, sed quia hæc futura sunt satis. Nunc autem ad ea tendimus, quæ non tam consuetudinis, quam certi consilij, & si apte scientia ac ratione directæ uoluntatis sunt: ueritatem in utroq; genere instituendi præcipuam & primas ferentem partem, in hoc potissimum loco constituimus, ut cum una eademq; dominetur utrobique, una quoq; & morale illud ac modestum facileq; monenti recte obtemperans cogit agmen, & hoc sapiens eruditumq; ducat. PAV. Quasi ueritatem uinculum dicat, quo ambo genera ista contineantur. IA. Immo lumen, à quo ambo & creantur & illustrantur, hoc quidem diurno sydere tanto potentius, quod sol iste oculis, ueritas mentibus lucem & diem affert, atq; hic facit ut res, quales sum, tales etiam cernantur: illa, ut quod sum, id illud ipsum sine. Sed hoc lumen & proprie & proxime philosophia ipsa sectatur: omnemq; suam curam, omnem operam studiumq;

impendit in eo, ut huius luminis percipienda ueritate fiat
 compos, quod cum apprehenderit, suumq; & proprium
 tenuerit, iam ipsa in luce & in ueritate habitans, attollit
 in altū, circū circa errantibus, ut cōmunicatione lucis illi ad
 moniti, minus ruant in tenebris, minus perturbentur: in
 quo maximus est concursus omnium mortalium, maxima
 uarietas: hi enim quanquam luminis aliqua ex parte par
 ticipes, umbris tamen plurimis impediti atq; implicati, quæ
 quo longius absunt ab editiore lumine, hoc uoluntate ma
 iores, sæpissime falluntur in eo, quod appetunt, & pro
 bonis mala amplectuntur: cumq; se pedem tutò ponere
 existimauerint, labuntur præcipites: hoc lumen, quod est
 sua cuiq; ratio, certissimis scientijs ac doctrinis illumina
 ta, & sibi ipsa in omni consilio actioneq; prægrediens,
 neq; alieno indigens ductu, philosophia ipsa continet: ad
 quam quod sit rectum iter tertia mox nostræ institutio
 nis pars indicabit. Sed ut in hoc lumine summe & ma
 xime ueritas est, sic in illo genere posteriore uirtutis, quod
 disciplina & monitis diximus cōparari, quæ admodū lumi
 nis, ita & ueritatis radius quidam inest: non principē,
 sed accersitam insinuans lucem. De quo nobis restabat al
 quid dicendum, antequam de moribus & disciplina ser
 monem totum compleremus: Ideoq; seruauimus in hunc
 locum, ut à radio ad lumen, & ad ueritatem ipsam à
 ueritatis simulachro propinquus transitus foret. PAV.
 Commodè sanè & ita fuit faciendum. Sed quis est, qui
 ista considerans, non ad amorem & studium philosophiæ
 totus rapiatur? IA. Deberet hoc quidem ita esse: sed

tamen

tamen non desunt Paule, qui illam contemnant, atque adeo uinpererit, & in inuidiam ad populum adducere.

P A V. Iniquos homines narras: estq; propterea iandudum à te suscepta philosophiæ defensio aduersus uinperatores huiusmodi, quam ut perficias, atq; aliquando edas, cum alij sæpe multi, tum uero duo doctissimi & tibi amicissimi homines Paulus Iouius, & Laſarus Bonamicus te quotidie flagitare: quorum de uirtute & doctrina quid sentias crebro ex te audire soleo. I A. quid mi audias de hominibus cum amantissimis nostri, tum dignissimis ipsis, qui ab omnibus amentur, quorum magnum in utroque nostræ ætati positum est deus. Nam Iouius non solum medicinæ scientia, in qua excellit, tam cognitione artis, quam utilitate ex ea & obsequio erga amicos, uerum omnibus ingenuis & liberalibus disciplinis instructus, in primisq; eloquentia, & dicendi genere quodam magnifico contulit se ad scribendam historiã, in qua ueterum optimorum scriptorum & fidem & gloriam in nostram ætatem refert. Laſari uero in Latinis & Græcis literis, præsertimq; in hac, de qua loquitur, philosophia, tanta est eruditio, eaq; prestantis ingenij uis, ut ipsum cum audimus, nullius ex antiquis aut nouis doctribus, aut scientiam maiorem, aut copiam requiramus: quod quidem in eo speciosius existit, quod ita uiuit, & ita factus ipse est, ut in oī uirtutis & humanitatis officio, philosophiam habuisse uideatur nō dicendi magistrum, sed faciendi, quibus quidem ambobus hoc quod dicis à me desiderantibus, quippiã negare esse arbitror nefas. Sed qui

scit an diuino quodam consilio hic illi noster dialogus for-
 te prepositus fuerit. PAV. quid ita? IA. Ut per gra-
 dus, & uelut planiore uia, ab his preceptis, & recte cōsue-
 scendi disciplina, ad illa altiora philosophiæ consilia, &
 ipsum apicem uirtutis ascendatur. PAV. Verisimile
 hoc quidem, nam & bene cogitantibus semper adest Deus.
 IA. Redeamus Paule ad patrem illā ueritatis, quā moralis
 huius disciplinæ esse diximus, aut potius quò melius hæc ue-
 ritatis diuisio intelligatur, sic agemus. PAV. quo pa-
 tēto? IA. Falsum natura quædam est maxime contra-
 ria & inimica ueritati. PAV. Ita est. IA. Huius
 partes sunt duæ. PAV. quæ? IA. Vna pars cernitur
 in eo, cum ipsi nosmetipsos decipimus, & praua aliqua opi-
 nione inducti, aut captiosis rationibus argumentisq; con-
 stricti, quæ cum aliquam cupiditatem ualentem in nobis
 suffragatricem nacta sunt, maximam habent uim ad mo-
 uendum & persuadendum, scire nos arbitramur quod ne-
 quaquam scimus, hæremusq; in eo, & restamus confiden-
 ter: quod accidit, cum uel id quod est, non esse, uel quod
 non est, esse, aut cuius est generis, rationis, qualitatis,
 efficientiæ, id non illius, sed alterius modi esse suscipi-
 mus. PAV. Intelligo. IA. Hoc falsum Paule quod est erro-
 ris mēdacij, & totius ignoratiæ caput, Dijs mediusfidius et
 hoibus est inimicissimū, q̄q̄ in diuinā naturā non cadit falsi-
 tas, neq; error: uerū tamen tanquam è regione illi sempiter-
 næ ueritati oppositum, non solum hominum mentes quo-
 tidie, sed & illas cælestes, & incorporeas potuit olim per-
 uertere: nec uero grauiore ullo malo, acerbiorē atq; exti-
 tio siore

tiosiore alia ulla peste uita nostra conflictatur & perturbata est, quam huius labe ignorantiae, quæ sibi ipsa scientia esse uideatur: hinc superbia, hinc contumacia, hinc illa immoderata atq; infinita cupiditas, hinc nimius sui ipsius amor, & iuris atq; iniuriæ parum æqua descriptio: ex qua deinde illa inuitam tot incommoda dimanant, iræ, inimicitie, bella, cædes, urbium & nationum funditus euersiones, unicuiq; seculum, non solû aduersus alios, semper ferè dissensio, & cum popularibus, cum ciuibus, cum affimibus, cum cognatis grauis sæpe discordia: deniq; omnis hominum ad homines societas, quæ naturæ fœdere ipso & conciliata & sancta est, huius tanti perniciæ mali iandudum uiolata, conuulsa, & in totum penè dissipata est. P A V. Magnum incommodum prædicat ignorantie, mi pater. I A. Quid mirum, cum illa lumen animi nostri mentem ipsam extinguat, & falsis persuasionibus tanquam clauis excæcet, si erroris & temeritatis & uariarum offensionum plena sunt omnia. Sed hoc tantum malum sola philosophia se ablaturam esse pollicetur: idq; adeo præstat, si rite tractetur, sitq; ad Deum & summum rerum omnium bonum tota cum fide & religione conuersa. Quod nobis uerum Deum & filium Dei colentibus, unis assequi diuinitus est concessum. P A V. Sanè præclarum est hoc & philosophiæ, & Christianæ religionis donum. I A. Res ipsa indicio fuit ita esse, sicut dicit Paule: Sed quoniam non est huius temporis insistere in his diutius, ad alteram partem falsi, quo de agimus, accedamus. P A V. Equidem te in his morari diu uellem:

uellem : nec est quicquam, quod audiam iucundius, rursusq; philosophiæ amore incendor. Sed uereor ne mea ignorantia mihi quoque ad illam adipiscendam impedito sit. I A. Nequaquam Paule, nec tu istam ignorantiam pertinueris, quæ ad discendum, & accipiendum parata est, tanquam uacua domus & patens, utq; honesta suppellectile instruat expectans. Illam tu mihi ignorantiam præsta ut caueas, quæ falsis opinionibus referta, in eisq; pertinax, cum orichalcum pro auro ipso amplexa fuerit, ueras amplius opes nil moratur : aderit tempus, uel potius adest, cum explebis cupiditatem istam tuam, & nobilissimorum amorum fies ampos : quorum iam gustum aliquem ex Ethicis Aristotelis, ad quæ pauloante es ingressus, percipere potes. P A V. Sic faxit ille summus nostri generis conditor, idemq; post eiusdem per unigenum filium suum contaminati & perditum liberator effectus, cui me tota mente atque omni corde deuotico. I A. Atqui hoc sentire & sic facere Paula, & prima & summa est philosophiæ ueritas. Nunc attende de altero illo falso quid rei sit. P A V. Dic modo. I A. Hoc falsum tanquam uirgultum & propago ab illius prioris falsi radice proueniens, consistis in eo, siquis non se ipse fallens nec mentiens sibi ipsi, sed callidus & gnarus apprime, quid agatur, alterum uelit circumuenire & fallere, ut in errorem inducat, ut aliud illi pro alio obijciens, longe eum abducat & dimoueat à uero : iccirco autem proficiascitur à primo hoc alterius falsum, quod nequaquam circum-

circumuenire & fraude irretire alterum conaretur quispiā, nisi esset ipse prius praua illa opinione captus & circumuentus querendum esse quoquomodo auaritię, libidini, aut cuiq; cupiditati pastum. Sed hęc consuetudo atq; exercitatio fallendi alterum, & mentiendi, is, quibus hodie uiuitur moribus, sic in omnes ferē uitę sectas ac quotidiana uitę officia effusa est & dimaniāuit, ut angustum admodum inter homines locum ueritati & fidei reliquisse uideatur.

PAV. Fertur uulgo quidem ita se rem habere. I A. Quid ni feratur quod extat ante oculos, quod eminet. quis enim est uel paulum modo in hęc communis uitę studia ingressus, qui commercia hominum inter ipsos uiderit, qui fide gerantur, non intelligat quemadmodum gladio in prelijs milites ad deiciendum capiendum uel hostem, sic fraude plurimum & mendacio uti homines, qui quidem malitię quasi gladius est, ad proximum constringendum, ut supplantato altero, ad sua quisq; optata facilius perueniat. Sed quamuis desueta iam hisce moribus ac temporibus, quamuis neglecta atque posthabita, tamen quo rarior, hoc clarior est & pretiosior fidei possessio, Licet qui uasri sunt, astuti, uersipelles, cuiusuis pretij homines ducantur, his que à populo plaudatur interdum, & qui callide circumuenire aliquem, aut lepide norum imponere alicui, omnia que ad gratiam & ad uoluptatem agere, in aulis etiam principum, magni habeantur: tamen nec unquam tuta, & semper ipsis turpis, alij etiam pernitiōsa horum est ratio uitę, atq; exercitatio: nihil enim potest esse decorum neque splendidum, neq;

eidem

idem sibi fidens, aut sat munitum aduersus casum, atque fortunam, unde absit ueritas, quæ cuius insedit in animo, & sancto cum illo fœdere copulata, omnium eius dictorum atque factorum sit particeps, admirabilem quandam illi auctoritatem et speciem præbet inter homines, tanquã mortalis Dei. Debet igitur pater huius posterioris falsi (quando ad illud maius, quod à philosophia ipsa depellitur, ætas adhuc non est adolescentis) culpam omnem & labem à filio propulsare: monereque & præcipere diligenter, ut ne unquam inducat animum aliud sentire intus, aliud loqui. Sed in puero facilis est præceptio, neque enim multum malitia illa ætas peccat: cum adolescente iam factò, accuratius est insistendũ, ut animaduertat, sibique persuasum habeat, neque uirtutis um, neque exemplũ optimi moris, nec uero honorem illũ qui ab equalibus expetitur, nec dignitatem, ad quã oĩa consilia diriguntur, sine fide & integritate aliquam constare posse: ut assuescat abhorrere à mendacio, & linguam habeat semper cordi consonantem: nec solum in uerbis & sermonibus ad alterum, recta, uera, simplicia discat loqui: sed in consilijs & factis nihil fictum, nec fallax, nec simulatum habeat: quò enim facta uerbis potiora sum, hoc magis in iis quàm illis mentiri decipereque est deceptorosum: mentiuuntur autem qui uersutiloquis (ut ille ait) malitijs, honestam speciem uirtutis parũ honeste prætendunt cupiditati, neque ad ueritatem referunt, neque quia ita decet, neque quia ita rectũ est, sed inclinam et uergunt ad alterũ aliquẽ finem: qua quidẽ ementita uirtute nullum uitium est monstrosius. Atque horum quidem illa obstructio

obstructio simulationis ne quæ diuturna est, & ab acutioribus statim perspicitur, dant enim manus, oculi, uultus, celeriter aliqua signa: nec unquam usque eò oculi & abscondi potest ueritas, ut non emergat aliqua, atque appareat: ubi uero deprehensi sumus, & persona detracta producti in publicum, maiore in uituperatione ignominiaque uersantur, quam si ultimum palam ex initio fuisset professi. Atqui ex fide bona adolescens studuerit uirtuti, decusque & ornamentum uitæ à ueritate sibi duxerit, nullum unquam locum simulationi & mendacio in moribus suis esse sinet: nisi uoci interdum causa: cum non fraus fuerit, sed lusus, atque id tamen parce & molliter, ut ne lædat eum cui uult illudere: scite enim & apte scire hoc agere, condimentum est nonnunquam sodalium & familiaritatis: nec nos austerum, aut tetricum, aut difficilem esse adolescentem uolumus, sed hilarem, & comem, descendantem ad omnia, quæ illa ætatis natura fert, modestiam tamen & mediocritatem secum deferentem. In eandem quoque mendacii & simulationis affinitatem transit imitatio: quid enim aliud est imitari, quam capere similitudinem eius quod non sis? Sed hoc si fiat in eam partem, ut effingas imitando quæ recte honestaque sunt, ut si eius gestum uultumque imitare, qui dolorem corporis fortiter tulit, aut in uoluptate fuit temperans, aut amissam iam aciem restituit, referas eum uoce, motu, corpore, laudabilis est imitatio, nec ueritatem reijciens illa, sed aduocans: quemadmodum etiam nostra hæc, de qua disseruimus, probata domi disciplina, uerè uirtutis dicta est imitatio. Si uero imitationem conuerteris ad deteriora,

ad deteriora, & aliquos nimiam motus, uultusq; scurrarum, eorumq; dicta & facta, captandi risus gratia, uolueris imitari: nihil est hoc genere ludendi illiberalius; nec quod pudori & modestiæ magis contrarium sit: extremæ enim impudentiæ est, adde etiam si uis stultitiæ ac leuitatis, uelle deridiculum esse: nec aliquid bonæ indolis residere in eo potest, qui id agit ipse ut rideatur. Sed ut hoc turpe & sordidum lusionis genus rejiciamus, sic multas relinquimus adolescenti lætitiæ & hilaritatis uias. Decet enim adolescentem, hunc quem nos instituumus, ita studere præstare ceteris in omni ornamento honoreq; uirtutis, ut ad illa, quæ sunt adolescentium communia, cum paribus suis, & qualiter se dedat: currere, saltare, ludere, eos utiq; lusui, quibus corpus exercetur. choreas ducere interdum, conuiuium habere, cachinnari aliquando liberius, locis & dictis hilaritatem accersere, sed ut seruet in his quem sæpius diximus modum, in quo ipso inest id, quod decet: quod non erit illi difficile notare ab illis patris institutis, disciplinaq; domestica: per quam sensim illa diuina decori species moribus eius adlita & insinuata fuerit. Consequetur autem ex his, ut cum propter facilitatem, humanitatem, comitatemq; naturæ primum eum sui æquales diligant, tum uero propter uirtutem, integritatem, elegantiam morum, etiam cum quadam illum admiratione uenerentur: summamq; habeant illi omnium rerum fidem, & propè uoluntarij illius sese imperio subijciant; multi etiam ut studeant imitari: & quidem omnes ferè ex quotidiana consuetudine atq; usu, ali-

qua

qua ex illo uirtutis lineamenta in suos mores transferent
 nonnulli uero accedent propius, et similes fieri conabuntur;
 ut quod alias diximus, & dicendum sæpius est, perfa-
 cile possit iudicari, quantum sit bonum euenturum ciui-
 tati; primum si puerorum recta educatio publice excola-
 tur: Deinde ab unius sæpe bene instituti adolescentis
 imitatione atq; exemplo. quod potuisti modo in te ex-
 pertus commode existimare Paule, cum enim in te unum
 spectet iuuentus nostræ ciuitatis, cunctaq; sese ad te ap-
 plicet, & familiaritate tua maiorem in modum gau-
 deat, potuisti reprimere pauloante maledicentiam, quæ
 increbuerat in iuuentute tam prompte de altero & tam
 libenter detrahendi: à quo more cum pro natura tua
 abhorrens ipse, comiter ab iis petisses ut abstinerem, fa-
 cta est tuuentus tua opera modestior. PAV. Equi-
 dem quid egerim nescio, nec si quid etiam ago, id mihi
 pater tribuendum est, sed tibi: ueruntamen illud & cogno-
 sco & fateor, plurimum in eo fore ornamenti & commo-
 di ciuitati, si iuuentus bene instituta sit: quod ut contin-
 gat, utinam ea omnes, quam tu mihi modo præscripsisti
 utantur disciplina: quicunq; ille quidem extiterit sic edu-
 catus atq; alius, hic maximam habiturus est profecto
 Deorum immortalium erga se beneuolentiæ testimoniū.
 I A. Nimirum ita est Paule, orandusq; Deus, ut
 quamplurimos uelit sue huius benignitatis esse participes.
 Verum nos hoc transacto bonorum morum & discipli-
 næ rectæ curricula, rursus alium cursum ueluti reprehen-
 dentes ad caput et pueritiæ principia iam tertio redeamus.

PAV. Nempe ut quæ literarum iam & doctrine sunt, artiumq; earum quas uocamus optimas, eorum ornatu & ordine instituas adolescentiam? IA. Ne: atq; ut ubi uera residet uirtus, non ubi imitatio agitur uirtutis, eam illuc deducamus. PAV. A Dijs penatibus ad Apollinis & musarum uidelicet. IA. Quid si ad eam sapientiam potius, quæ è capite patris prognata, & eodem amoris spiritu cum patre ipso nexa atque concurs, ad omnem mortalium illustrandâ uitam olim egressa est, et cum nihilominus permaneret in patre, ad nos se contulit, ut abiectos huius, & nil sublime meditantes, ad cœlestium bonorum, & certam immortalitatis spem excitaret? huic enim debetur quodamq; perfectum est, quod in trinitate potissime est spectandum. PAV. Sic quidem oppido melius, sed ego latino more locutus sum. IA. quod quidem ego minime reprehenderim Paule: dare enim aliquid stilo & consuetudini eius lingue, in qua uelis loqui, concessum sanè est: Sicut & nos ubi de diuinis nominatim non agitur, figurar illas & modos Latine dictionis ad illuminandam orationem non inuiti adsciscimus: ut mehercule interdum dicamus medius fidius, Deos etiam immortales plurimum numero nonnunquam proferimus, non sensum ex his uerbis ullum, sed sonum duntaxat querentes, atq; ut splendidior & fortior, nec abhorrens ab ipsa antiquitate procedat oratio: quando ea quidem suis ornata atq; instructa dotibus, ad docendum quid uerum, sanctum, rectumq; sit, & ad impellendum in id quod conueniat agi, maius multo pondus & maiorem quandâ uim affert. PAV. Na
uiter

uiter studendum est igitur orationi, & stilo, ut te intelligo loqui. IA. Et maxime quidem si quid agere aut perficere uis quod sit egregiam: nam philosophia, & quam praeceptae rimus, uirtus ac sapientia, si tibi tecum uiuendum esset soli, forsitan se una contenta foret, neque requireret quicquam amplius. Cum uero tibi in cœtu hominum, & cum plurimis uiuendum sit, omniumque studiorum, utilitatum, officiorumque: & tuorum cum illis & illorum tecum communicatio facienda, ad hanc humanæ uitæ societatem apte commodeque gerendam, nullum instrumentum est oratione prestantius. Itaque et facio sepe, & facturus sum: ut te adhorter in primis ad hæc studia, quibus dicendi egregia & prestans ratio comparatur: hoc etiam studicsius quod me quantum proficias, & quid mihi spei præbeas nil paenitet. PAV. Faciam equidem quod meum est, ut labore & diligentia tibi satisfaciam mi pater: quantum uero effici per me possit, totum tuo iudicio permittam. IA. Dabitur hac in re opera ab utroque nostrum Paule, ut recte sit. Sed nos aliud initium nostri sermonis facientes, redeamus ad eandem pueritiā de qua toties iam iterauimus loqui: ut eam alio quodam itinere, alia semita ad indagandum melius uirtutem deducamus: nam quæ adhuc de uirtute dicta sum, & si uerissima ea sunt, creduntur tamen à iuuenē, non intelliguntur. Hic autem tertius quasi actus nostræ deductionis reliquis perfectior, in eum locum adducet adolescentiam, unde nō alienos imitari gressus, sed ipsamet cernere quo & qua uadendum sibi sit tanquam in specula poterit, sui que erit consilij domina & uoluntatis. Igitur puerum ut primum fari commode, &

uerba diserte proloqui poterit, aliquosq; ingenijs cæperit
 igniculos iacere pueriles, studiose inducat pater in opinio-
 nem & desiderium addiscendarum literarum: quod per
 quam apte fiet, si accersendis maiusculis pueris, qui iam
 aliquantum in legendo profecerint, & illis auscultandis,
 laudauerit præsentis filio recte reatantes, exosculatusq;
 fuerit, aliquid etiam dederit muneris ac præmij: mouebi-
 tur enim animus filij ad eadem æmulanda studia, in qui-
 bus alterum sic probari perspexerit: ipseq; ultrò petet,
 ipse flagitabit easdem sibi tabellas, & eandem exercita-
 tionem dari. quæ dandæ erunt, cum ornatæ ipsæ &
 concinnæ per sese, tum illustribus scriptæ literis, ut omni-
 bus rebus, quibus capi potest illa ætas, ad amorem & cu-
 piditatem legendi perliciat. Semper enim prouidendum
 diligenter est, ut literarum desiderium ita antecedit in
 puero, ut nunquam satiety nimia consequatur. Sed et si
 pater eiusmodi sit, ut omnibus ipse optimis artibus lite-
 risq; eruditus, docere possit filium, & præclare eum in
 omni doctrinæ genere instituere, censerim tamen ido-
 neum illi magistrum esse eligendum, qui huic uni uacet
 negotio, nullaq; omnino re alia, neq; occupatione tene-
 tur. Sed sit in hanc curam erudiendi filij totus intentus, à
 qua patrem sæpe familias, tam forensibus quàm domesti-
 cis negocijs necesse est auocari: hanc nostram de adsci-
 scendo liberis magistro sententiam M. Cicero comprobat,
 qui cum ea esset ingenij, literarum & omnis scientiæ glo-
 ria, ut locupletasse ipse & ornasse potius eloquentiam,
 quàm ulla ab ea ornamenta sumpsisse uideretur, in eru-
 diendo

diendo tamen filio alienis magistris usus est: uerum hoc, quod facile est præceptum atque imperatum, re ipsa & experiundo uehementer fit difficile. Rari enim sunt, utinam quæ adeo rari isti, aliqui tamen essent, qui comprehendissent animo, quid sit uere sapere, & uinculum illud, quo omne humanitatis artes inter se continentur, ad cuius unius sapientiæ spem & alimus & constituimus filium, quale sit tenerent: neque uero aut ostentandi sui causa, aut lucrificandi, aut popularis auræ colligendæ, ad singulas addiscendas sese dederent artes: si tamen addiscere est ignorare, quem ad finem percipiendum sit quod addiscas. Sed quoniam de hoc errore uulgato & propè cōmuni in nostro de laudibus philosophiæ libro satis est dictum, & alibi sæpe dicitur, reuertamur ad puerum eum, quem in manibus habemus, magistrumque illi præficiamus è literario ludo, cuius mores probati sint, & diligentia in docendo cognita: qui ita quotidianum pensum legendi & scribendi à puero exigit, ut nulla in re sit asper, nec minus, aut uiolentia utatur: summopere enim cauendum est, ne eas literas odisse incipiat puer, quas nondum potest ipsarum causa diligere: spe ille potius & laude prouocandus est, interdumque ex pacto agendum, ut cum plures horas sibi ipse sumpserit ad pueriles obeundos lusus, unā aliquam præbeat magistro. Legendi ergo & scribendi prima præceptio est pueritiæ, & primum rudimentum: quod prompte & celeriter facere debet puer, ac sine ulla dubitatione uel minima nosse literas, uel ipsas per sese, uel in syllabis dictionibusque coniunctas; nec nosse solum sed pro

muntiare commodè sono uocis simplicia rectòq; , literis ne-
 que oppressis nimium , neque expressis : itemq; perlege-
 re cursim quicquid scriptum oblatum fuerit : idq; &
 prorsus & rursus retro contraq; reuoluere : hæc enim
 quamuis minima uidentur , tamen quoniam fundamenta
 sunt cæterorum , firmitus sunt statuenda , immorandumq;
 in his aliquanto diutius , quoad planè resideant , atque
 comprehendant . Quod autem de literis , uel de literarum
 potius elementis ac notis dictum est , non de latinis tan-
 tum , sed de Græcis quoque uolumus intelligi : harum
 enim utranq; linguarum ab eo uolumus addisci , qui ad exi-
 miam spem summæ uirtutis alatur : utriusq; enim maximi
 & doctissimi autores sunt , omniaq; doctrinarum gene-
 ra in utraq; egregie sunt tradita : tum autem prudentiæ ,
 sapientiæ , eloquentiæ utrobique summa uis , & ita nexa
 inter se , ac mutuo se continens , ut qui alteram sine alte-
 ra perceperit , debile quiddam & mancum esse adeptus ui-
 deatur . Ad utranq; igitur & Græcam & Latinam ora-
 tionem legendis & scribendis literis statim de principio
 imbuendus est puer : in quo illud primum admodum occur-
 rit laudabile , quod est in more positum , ut simul cum li-
 terarum notis , elementa quoque Christianæ religionis in
 puer o insinuentur : nam ut dictum est , nec uirtus , nec
 doctrina , nec spes honestæ aut beatæ agendæ uitæ ulla
 est , qua non pertinet , nec comes est religio : grauesq;
 cum sententiæ summorum autorum proponendæ illi sunt ,
 ad sanctitatem uitæ , & ad exemplum fugiendarum aut
 expetendarum rerum pertinentes , quas animus tener bene
 appre-

apprehendat; deferatq; secum in omnem posterio-
rem. Sed hanc consuetudinem legendi iam scribendiq; fa-
miliariter sequitur continuo grammaticæ ars: cuius nomen
ductum quidem à literis, tenuem uidetur habere appella-
tionem, sed est eius facultas uberior: non literas enim so-
lum, & nomina, uerbaq;, ac reliquas omnes orationis
partes, sed poetarum quoq; & oratorum cognitionem ita
complectitur, & pertractat, ut paruum in ijs relinquere
uideatur uelle alyis artibus quibusdam locum: quod meo
est animo non tam grammaticæ proprium, quàm eorum,
qui ad suam ex alyis generibus facultatem doctrinamq;
ostentandam, huius artis nomine abuti uoluerunt. Scri-
pserunt enim de ea complures docti uiri, cum Græci, tum
Latini: sed aly alio modo, presse castigatq; nonnulli,
multi abundantius: nisi forte necessario credimus tria mil-
lia librorum amplius à Didymo in arte grammaticæ fuisse
scripta. Apollonius in Græcis, & Herodianus proba-
tiores: magnam laudem apud nostros meruit Donatus, &
qui illum Seruius æmulatus est: tum deinde multi. Sed
nostrum non est enumerare scriptores: potius illud uidea-
mus, quomodo & quatenus grammaticæ tradenda pue-
ro est: neq; uim artis totam, sed caput & statum illius con-
sideremus: nam si qua sunt in illa arte difficilia & ardua,
non tam necessarijs quàm subtilibus implicata disputatio-
nibus, reiciantur in id tempus, cum alyis pluribus disci-
plinis instructus adolescens, oñium conterere in huiusmo-
di quæstionibus poterit: quæ tunc ultrò sese illi offerent,
& ex aliena quadam facultate acutius disceptabuntur: te-

nerum quidem pueri animum onerare his difficultatibus, nullius consilij est. Quid enim illi proderit nosse controuersiam, utrum participium sit pars orationis; an redigatur sub uerbo: & utrum uocabuli an nominis in rebus appellandis potior usus sit: & similia multa, quæ ne intelligentibus quidem admodum usui esse possunt? Potius mihi is ad illa aperte & simpliciter perdiscenda ducatur, quæ necessariam habent utilitatem, ut literas distinguat, alias quæ; nouerit uocales, quæ purum ex se proferant sonum, alias consonantes, quæ cum illis iunctæ & compositæ sonent, rursus quæ; ex consonantibus semiuocales, quarum sonus incipiat à uocali: cæteras mutas, in quibus uocalis sonus tantum desinit. Intelligat etiam bissonas, quas διςσώονες Græci, ex duabus uocalibus esse compositas: tum his adiungat omnibus pronunciationem congruam. Ad dictionum uero syluam ita traducatur, ut sine ulla ambiguitate addiscat octo illas peruulgatas orationis partes: quarum singularum proprietates, & quasi insignia quædam, debet cognoscere, ut sciat internoisse: ut uerbi causa, Nomen esse quod rei naturam aut qualitatem denotet in suo statu manentem, id quæ; casibus deflecti, speciebus diuidi, numeris mutari, generibus uariari, figuris distinguui. Verbum esse, quod rem in motu aliquo signet uel agendi uel patiendi, in quo pro casibus sunt temporum flexiones. Participium, quod affine utriusque & uerbo & nomini: tempus & motum accipiat à uerbo in reliquis sequatur nomen. Pronomen uero, quod uicem præbeat nominis, in ijs nominibus scilicet, quæ propria sunt, & certam per-

tam personam aliquam indicant. Aduerbia porro & præpositiones illæ, quod nisi uerbo adiuncta uim habent nullam, hæc uel nominibus separatim appositæ, id quæ; ferè semper præeundo atque antecedendo, unde nomen nascitur sunt, uel etiam cum his & cum uerbis in compositione copulatæ augent; uel minuunt, uel uertunt sensu eorum, quibus cum componuntur. Cōiunctiones uero, quod superiores quinque partes orationis binas trinas uel adhaerescendo coniungunt. Interiectiones è contrario, quod cursim & sensum clausule interpungunt aliqua uoce humani affectus indice interposita, quæ habeat spem, lætitiā, metum, dolorem, alacritatem, admirationem, & similia quædam. Sed hæc, quæ in puerili disciplina commodius traduntur, perstringenda tantummodo nobis sunt, indicamus enim iter duntaxat, non disciplinam ipsam tradimus. Sequuntur flexiones quatuor primarum partium orationis, quarum tres casibus, uerbum ipsum temporibus tantum inclinatur, quæ probe & penitus memoriæ mandandæ sunt: earumque uarietas facillime est & familiarissime discernenda: tum autem qui cuique uerbo casus subsequatur, quiue antecedit, hæc enim summa est meo quidem animo grammaticæ facultas, scire ita struere & contexere orationem casibus, numero, genere, temporibus, ut nihil sit perturbatum, nihil non concors, nihil non inter se apte coherens & consonum, quod tam in uersibus, quam soluta oratione tenendum grammatico est: est enim & huius artis propria quætitatis syllabarum notio, & quis cuique carmini pes conueniat, nam uerborum & nominum quæ comuni analogiæ præuariata

sunt, & discrepantes à consimilium cæterorum ratione in-
 duere formas, usus & cognitio, non tam scrupulosis an-
 xijisq; præceptis, quàm ex bonorum autorum crebra lectio-
 ne percipienda est: quod idem de recte scribendi scientia,
 quæ Græcæ orthographia est, dicimus: hanc enim onero-
 sam & difficilem pueris ad noscendum, si per regulas
 præceptaq; tradamus, assiduus legendi scribendiq; usus
 melius confirmat, et in uniuersum tota grāmaticæ ars plu-
 rimum communi consuetudine loquendi, & ueterum do-
 ctorum autoritate nixa est: cuius extremum & finis est
 scire apte construere, & coagmentare orationem ut nihil
 discors in ea, neque præposterum sit: idq; tum prosa,
 tum carmine, in quo syllabarum præterea quantitas ex-
 pendatur. Hoc cum efficere poterit puer prompte & pa-
 rate, atque ut in agendo nihil hesitet, est enim propte-
 rea quod hæc ars fundamentum est, & ueluti solum reli-
 quarum artium, ut si ea debiliter comprehensa sit, omnem
 superextruccionem mutare oporteat, diligentius in ea ela-
 borandum, optime ut teneatur. Cum inquam fuerit hæc
 puero bene percepta, & cognita, tum audentius quicquid
 libuerit cerneret est illi imponendū: nam & ipse his nodosis
 & minutis difficultatibus expeditus, quæ laborē aī in pue-
 ro nō mediocrē, delectationem habet propemodū nullā,
 tanquam equus modo domitus gestiet in campos procurrere
 liberiores, & suarum uirium, suiq; ingenij aliquod pe-
 riculum facere. Ita quæ sequentur iam non laboriosa illi,
 sed gratā inuandaq; erunt. Igitur è uestigio ad exercitatio-
 nes & præcepta artis rhetoricæ traducendus est: cui eadem
 quidem

quidem quæ ipsi grammaticæ subiecta est materia, nominū
 & uerborum uidelicet, & omnis formandæ cōponendæq;
 orationis, uerū alio modo. Illa enim, ut diximus, sat habet
 struere aptam inter se & congruentem personis temporib;
 usq; orationem, aut carmen suis pedibus & numeris inte-
 grū componere, eoq; functa officio quiescat, nec habet cau-
 sam ulterius progrediendi. Rhetorica uero hoc quidē acci-
 pit ab illa, tanquam sibi necessariū, sed nulla est in necessa-
 rijs dignitas. Itaq; sic excolit acceptum atq; exornat, ut
 illo apparatu instructūq; orationis nihil fieri possit admi-
 rabilius. Hac de arte plura dicēda essent, quippe è qua tan-
 tum sit humanæ uitæ ornamentum, nisi in Cicerone præcla-
 rissime expressa essent omnia: quem & meo hortatu, &
 uoluntate tua assiduum in manibus Paule geris: hic enim
 tibi & nunc, & postea, & semper legendus est: nec legen-
 dus solum, sed omnibus intimis sensibus & modis deuorā-
 dus: nulla est enim laus prudētis, nullum lumen orationis,
 nulla sententiarum dignitas, nulla uerborū, nullus in dicen-
 do lepos, nullum acumen ingenij, nulla uis animi, quæ non
 in eo non dictam appareat atq; extet, uerum ita emineat,
 acrisq; ad permouendum uehemensq; sit, ut torrente quodā
 omnium suauitatum obruat sensus animosq; legentium. Sed
 etsi in hoc uno oīa insunt, quæ ad huius præclari generis
 facultatem uidentur esse requirenda: prætereaq; & doctri-
 næ et sapientiæ maxima cum his coniuncta uis: tamen ubi
 te ad huius imitationem conformaueris, neq; colorem solū,
 sed suauitatem etiā & habitum illius orationis fueris nactus:
 tum legendi ceteri quoq; tibi sunt authores Latini, Græciq;

tum oratores, tum etiam poetæ. Est enim huic ætati, in
 qua tu es Paule, & uero etiam consequenti magno orna-
 mento simul & emolumento, uidere multorum ingenia atq[ue]
 scripta: quod & multa addiscuntur à multis, quæ ad usum
 & manum quotidie opportuna accidere possunt: & lectio
 uaria ac multiplex iudicandi uim prudentiamq[ue], confirmat:
 quæ si in uno duntaxat genere uersetur, nec habeat qui
 cum quid compareret, non delectu ullo ad id se applicuisse,
 etiam si sit optimum, sed casu & fortuna in illud solum in-
 cidisse uideatur. At nos delectu uolumus & iudicio uale-
 re uel maxime eius adolescentis naturam, de quo iandudū
 insistimus loqui: quanquam non est adolescentiæ iudicare,
 uigere ingenio illi ætati potius conuenit: porro autem inge-
 ny est cum percipere celeriter id, quod tradatur, tum uero
 arrepto à demonstrante principio, præcurrere aliquantum,
 & ex paucis statim plura aliqua intelligere: quod qui-
 dem eximium, in primis q[ue] optabile Deorum immorta-
 lium in nobis, donum est: iudicandi iactem ipsa uis,
 non tam celeritatem, quàm pondus habet, neq[ue] in præui-
 dendo magis, quàm in circumspectando est posita: ex mul-
 tis enim circumcirca sese offerentibus eligit illud oportet,
 quod maxime sit accommodum: quod quidem fieri sine cō-
 paratione plurimum non potest: quam nobis probandi & ad-
 sciiscendi potiora facultatem usus rerum multarum, & in
 hominum consilijs, fortuitisq[ue] euentibus longe agitatio, in
 primisq[ue] lectio erudita & uaria offert: neq[ue] tamen absq[ue]
 illo naturæ munere, quo bono ingenio præditi in lucem ue-
 nimus: nam si ingenium absit, pro nihilo cuncta sumus:
 ut naturam

ut naturam ubiq; præcipue dominari appareat. Sed et si non est iudicatio propria adolescentiæ, eis tamen armis, & eo cultu comitatuq; rerum illa ornanda ætas est, ut cum maturum fuerit, acute queat & recte iudicare: in quo maximam partem literarum scientia adiuuabit, & cognitio uetustatis, & lectio quamplurima summorum probatissimorumq; authorum, quorum nemo est aspernandus ex ijs, quos iniuria temporum de multis reliquos nobis fecit: nec solum egregia utilitas, sed maxima quoq; delectatio ex illorum lectione uaria percipietur. Iuuabit cognosse ac mirari unâ uim illam incredibilem uehementiamq; Demosthenis: cuius oratio sic sensis inter se, quasi hamis, conferta esse mihi uidetur, ut si literam unam tollas, seriem totam labare sit necesse: ita quidem est pugna, ut semper uincere: ita plena ac referta, ut obrueret: ita arguta, ut nunquam non decipere aduersarios possit: quàm crebra præterea in ea prædicatio antiquitatis, qui delectus uerborum ac sententiarum, quàm multæ ad laudem & ad deas sumptæ ex tempore & ex causa cohortationes: ut merito huius unius principis in dicendo gloria Græcæ gentis eloquentia nitatur. Huius inimicus & in repub. aduersarius Aeschines toto genere omissior, canorum tamen habet quiddam & profluens. Subtilis Lysias & uerbis maxime proprius. Nam Isocratis eloquentiam probatam alioquin, nimis cōcinnitates, & quædam quasi delitiæ, ut minus uideretur uirilis efficere. Horum et ceterorum, ut dico, crebra lectio non solum uoluptate afficit cognoscendis summorum hominum ingenijs ac dissimilitudinibus

litudinibus, sed auget etiam facultatem inter dissimilia et
 uaria genera dijudicandi. quod idem de rerū gestarum scri
 ptoribus est dicendum, quorum nostris mehercule non mi
 nor est quā Græcis aut elegantia aut copia: atq; in his
 aliquanto etiam expressius apparet, quod ad confirmandā
 prudentiam hominum pertinet: ueterum enim duum, & eo
 rum, qui in gubernatione rerum publicarum floruerunt cō
 silijs actisq; perdiscendis, & quid cauendū in uita, et quid
 sectandum sit ex euentis illorū facile intelligitur. Quid de
 Poetis dicam? quorū cernis profecto & quæ in utraq; lin
 gua copia, & quanta non solū ad demulcendos, uerū etiam
 ad impellendos animos nostros uis sit: atq; hoc genus san
 ctum, & Dys amabile semper habitum est: non enim tam
 studio humana'ue cogitatione, quā spiritu quodam diuini
 tus inflati, uidentur illa effundere, quæ sonis numerisq; con
 structa aures sensusq; corripiunt: & ad permiscendos ani
 mos nostros tanq̃ illiquefacta funduntur: ut in quacūq;
 impulerim partem, non uideatur posse obsisti. quo etiam ex
 illa Platonis rep. quam is in libris perfectā condidit, poetæ
 exire iussi sunt, ne si ad suum arbitrium, et quodcūq; eorū
 animis libuisset scribere ac diuulgare aggressi essem, quod in
 communi liberum erat Græcia, ciuium suorum mores facil
 lime corrumpere: & re uera plus est in hac facultate
 momenti, quā quisquam forte suspicetur, tum ad frangen
 dos, atq; eneruandos uoluptate, aut cæteris permotionibus
 animos, tum rursus ad eosdem uirtute & constantia corro
 borandos. Sed quoniam hoc uidetur esse communis Musicæ
 officium, cuius pars uel præcipua poetice est, ea q; adeo se
 des &

des & basis, quæ recta ars Musica collocata est, & sustinetur, de ea est aliquid dicendum, siquid nobis uelimus hoc cursu & hac commemoratione artium ingenuarum, et quæ ad finem contendamus prius exposuerimus. P A V. Equidem pendeo animi quo tu loco statuas esse Poetas, & illâ Platonis sententiam pertimesco: sed tamen cum recordor me te authore cum illis uiuere iam dudum familiariter, eosq; sæpius in manibus habere, consolor ipse me, nec uereor ut tu mihi illam uel oblectationem & requiem à seuerioribus studijs, uel etiam ut ego experior non mediocrem utilitatem ad linguam & uitam excolendam, adimas: nam si quis mei ingenij captus est ad ista expèdenda, in quibus tamen quotidie uersor, nec intelligo quid Homero uberius aut magnificentius legere possim, nec quid Virgilio diuinius: qui duo cum sint non singulorum sæpe hominum studio solum, sed ipsarum nationum contentione inter se comparati, utridandus sit in hac laude principatus, soleo crebro usurpare sententiam tuam: qui sic dicere es solitus, plurima esse in Homero, quæ in cælum tolli, nihil in nostro, quod melius possit optari: ab illo tamen tanquam fonte & patre omnium doctrinarum cæteros ueluti riuos fluxisse putas. Nā quod comædiam sæpe affirmas priuatæ uitæ & ciuilis consuetudinis esse magistram, speciem habet, ut ego arbitror, hos quoq; poetas non repudiantis: quorum Terentius cœu sedatus amnis quemadmodum fluat pure & leniter, nihil secum turbidum neq; fucatum deferens: utq; se accommodet ad omnia quæ incidunt, apte, scite, eleganterq; & narranda & respondenda, quis legens non cum quadam animi delectatione

lectione miretur? in quo mihi uidetur habitare ipsa modestia: sic enim cauet ab obsceno spurcoq; , ut interdum quid quanq; debeat personam parum attendere uideatur. Plautus fortasse licentior: sed tamen quid eo ad locupletandam latinam orationem & facilitatem sermonis copiamq; uerborum, potest esse utilius? De poetis cæteris nō loquar, quorum est & Græcis & Latinis festiua copla: plura enim genera poetarum habentur, quod in oratoribus fortasse non ita est. Sed hoc dicam communiter de uniuersis, cum sit aliquid in unoquoque quod excellat in aliqua in ingenij parte, & in plerisque laudabilia permulta, non uideri hoc genus ab institutione bonorum morum & à studijs doctrinæ eius, quam expetimus, repellendum esse. Quod si fortunæ & temporis iniquitas aut nobis in uetustis conseruandis autoribus tragædiā reliquisset, aut non ademisset Græcis comædiam, magnam opinor uoluptatem ex Græcorum & Latinorum inter se scriptorum contentione caperemus. Sed quando hoc nobis bonum ereptum est, siue hæc hominum iniuria fuerit, siue temporis, ex alternorum tamen lectione licet animaduertere, quæ sit utriusq; generis uis, quanquam tragædia forte turbulentior, & ad concitandos diuersis affectibus animos non parum certe potentior. I A. Polite ista admodum & perquam commode Paule: itaque gaudeo tua ista in expendendis scriptoribus Græcis & Latinis attentione ac diligentia, in qua specimen nobis eximium tui ingenij præbes: mihi quidem non paruam laboris partem ademisti in discernendis & dijudicandis poetis, nam hos

modo

modo quos commemorasti, & alios ferè horū similes non legendos solum, sed habendos tibi perquam familiaris puto: nec usq; eò Platonis illud interdictum horreo, ut non putem bonum morem potius poetis, quàm poetas bono mori legem esse laturos. Sed tamen neq; ille in eo statuendo nō aliquid secutus est: et nos te nolumus in numero ducere poetarum sota dicos istos impuros uersificatores, qui ad omnem petulantiam progressi, omnia scurrilibus probris referferunt. PAV. Nequaquam mi pater, intelligo enim quos dicas, nisi si quando illi legendi sunt, ut excellentium et grauium poetarum uirtus & sapientia magis eluceat. Sed quod de Musica te uelle dixisti dicere, id ego audire sanè aueo. IA. quippe qui in hac arte patris tui cura apprimè à pueritia instructus fuisti. Sed ego non ea dicam, quæ huius uulgate & triuialis Symphonie sine, cuius auribus tantum suauitate demulcendis omne est lenocinium, & quæ in sola penè uocum flexione ac modulatione ipsa consistunt: hanc enim uelut bonis moribus inimicissimam lare et ab rep. sua exclusit Plato, & in suas ciuitates Aegyptij nunquā admiserunt. Sed dicendū est de uera Musica, cuius animis ab agresti illo rigidoq; sensu ad urbanitatem reflectendis, & eisdē rursus ne mollicia nimia perfluam, uirtute & constantia uinciendis, totum officiū est: & quoniā diximus esse quiddā, quod anteuertendū primo nobis uidetur, sic habeto: cū quemadmodū in stadio fieri solet, nos in hoc disciplinarū & artū ingenuariū ueluti decursu quasi è carceribus deducamus adolescentiam, ut eam in loco ubi est præmium certaminis positum sistamus: summum esse illud & extremum

& extremum quo tendimus ipsam illam de qua toties iam
 locuti sumus perfectricem naturæ humanæ ac rationis &
 beatæ uitæ largitricem philosophiam: ad quam cum fuerit
 peruentum, constituenda in ea sedes est, & omnium consi-
 liorum collocandum domicilium: qui ppe cum nec quod ad
 salutem nostri, tranquillitatemq; pertineat, nec quod ad sa-
 ni animi plurimas capiundas uoluptates utile sit. quicquā
 ibi possit deesse: porro exorsus huius nostræ deductionis
 grammaticæ ipsa extitit: è qua cum tantum institeris in ea
 quantum fuerit necesse, ad ornandam & excolendam, alia
 quadam arte et doctrina orationem discedendum est, cuius
 in primis necessariæ & maxime præclaræ facultatis studiū
 in omnem reliquam deinceps uitam pertinere debere dixi-
 mus: tanquam sine qua magnus uir quissiam, & inter cæ-
 teros gloria eminens nec domi, nec uero etiam belli existe-
 re facile possit. Verum etsi hanc exercitationem grauer,
 distincte, ornateq; differendi, qua de re cunq; fuerit propo-
 situm comitem adolescenti, in omnem ætatem tradimus, ut
 cum unā cum eo ad philosophiam tanquā ad mare fluuius
 peruecta fuerit, coalescat cum illa in unum quasi corpus et
 confluat: sic eam uolumus aliarum artium ac disciplina-
 rum, tanquam aquarum & fluminum accessu, uberiorem
 fluere. Ita q; nulla est earum artium, quæ liberales sunt, et in
 geruo homine dignæ existimantur, non suscipienda adole-
 scenti quatenus commodum sit, hoc est ut tantum in una
 quaq; ponatur temporis, quantum fuerit satis, nam neque
 rit negotium difficile, & illæ tamen societate & consensu
 eodam nexu inter se & colligatæ sunt, ut qui in unam
 peritius

penitus intrarit, facile sibi aditum patefaciat ad ceteras. Itaque antiqui illi Græci, qui hæc curiosius et in maiore uacuo q̄ nostri tractauerunt, cum cernerent ad perfectam summamq; sapientiam, quam illi in gubernatione rerum publicarum: et in excellendo ac prestando cæteris hominibus consilio ac eloquentia positam arbitrabantur, iter esse per huiusmodi artes, præceptores quidem dicendi simul et sapiendi, quos illi Sophistas uocabant, quasi civilis prudentiæ magistros, impenso conducebant pretio liberis: ut affixi illis semper, ab eorum latere nunquam discederent: ad alios uero doctores Geometras, Musicos, Astronomos, filios tanquam deambulatum iubebant duci: apud quos tamen aliquid reperirent quod operæ precium esset addiscere. Sed cum ætas puerilis et paulo etiam magis adolescens plurimo igni citata et uiuida, quiescere nullo pacto queat, semper q; in agitato motu q; sit, nec garriendi, cursandi, clamandi constituat modum, quas putauerunt artes regendæ illi ætati et temperamento quodam fingendæ idoneas potissimum esse, eas primas adhibuerunt, gymnasticam uidelicet et musicam, quarum altera corporis in puero motus, altera animi, effusos ipsos per sese et immoderatos, sub leges quasdam redigeret: ut cum suis naturæ cursus impetus q; permisisset, affingeret tamen quiddam ex arte et disciplina, quod cum uerustatem omnibus illis motionibus, tum corpori ualentinem, animo modestiam præterea posset afferre. Ac quod ad corpus quidem et eius exercitationes attinet, permulta ex illo antiquo usu contraria consuetudine sublata sunt: non enim nos neque frequenti-

bus balneis utimur, neque quotidie lauamus, quod illi studio faciebant: nec oleum iandiu aut palaestram ullam nouimus: tantum quæ erant Romanæ exercitationis propria in nostris moribus remanserunt, pleraque equitare, currere, pila ludere, iaculum mittere, certare rudibus, & si qua eiusmodi sunt ad laborem corporis ualitudinemque spectantia, quæ non tam sunt artis, quam studij: & in quibus decor omnis accersendus est, non à præceptis magistri, sed ab ipsius ingenio & modestia adolescentis. Vnum etiam reliquum est commune gymnasticæ & musicæ agitandi corporis artificium, quod in choreis situm est, & in ipsa arte studioque ad fidium sonitum tibiartumue saltandi. In quo ipso tamen musicæ priores partes obtinet, ad quam, quoniam de gymnasticæ satis est dictum, eis coloribus, quos probauit antiquitas in puerorum animis depingendam iam transeamus.

P A V. Quàm uereor, ne hoc quicquid ego didici musices, ex eo genere sit, quod tibi minus probandum esse uideatur, quanquam ego iandudum ab illo propè desueui, & ut tu uidere potes, minus minusque eo quotidie delector, & ad hanc grauiorem & nobiliorem musicen, quam conspicio in poetis, libentius me dedo, quæ animum meum illis numeris & dignitate ac grauitate sententiarum propè in cælum rapit. I A. Quod didicisti Paule de uocibus & tonis (sic enim uos appellatis) aut tollendis in acutum, aut rursus in graue deprimendis, itemque de certis, falsisque uoculis, nec non de eo quantum integer tonus, quantum dimidiatus pendat, quæ

in diapason uis, quæ in diapente, qui gradus uocum numeriq; & ipsorum inter se permutationes, quæ cui uocæ cum uocæ quaque consonantia, & siqua sunt talla musici ludi documenta, non inficiabor ea abs te & rite & necessario percepta esse. Sed harum rerum cognitio est non difficilis: illud uidendum, ne malo usu ars sine dubio ad hominis naturam in primis accommodata, si corrupta ea sit, mores deinde quoque & animos nostros ipsa corrumpat: etenim nihil est profecto ad obligandum & comprehendendum animum numero potentius, nec quod se magis illi insinuet, aut normam legitimq; prescribat, quemadmodum eum uelit moueri & affici: declarat hoc tacita ipsa sæpe lectio oratorum & poetarum, & quando in utrisque numerus modi q; sunt, & mensuræ interualla q; uerborum, & si in poetis id multo est expressius: sed tamen hos cum legimus, sentimus nos intus affici, & qua numerosa illa uis sese inferat, cum hac unà ferri, & in omnem partem pertrahi sensus nostros. Quod si uox cantusq; accedat illi compositioni accommodatus & congruens, uix ullum animi robur obstiterit, quin det manus, & se ducendum tanquam addictū præbeat. Quid ergo est? quò plus in hoc genere est actionis & uirium, hoc magis providendum erat, quod tamen nequaquam fit, ut ne cuiq; liberum esset, quemadmodum quisq; uellet musicæ modos & uariare et flectere, sed statis quibusdā et publicè probatis oēs cogrentur uti: quod quidem antiquitus Lacedæmone usq; eò seuerè fuit obseruatum, ut Timotheum Citharædum nobilem in primis ma-

gno conarsu artem Spartæ profitentem, quod chordam
 unam addidisset in cithara, tanquam soluentem leges, &
 labefactantem iuuenum disciplinam, illa ciuitas extermi-
 nandum curauerit. quod si quærat^r qui modus sit in mu-
 sicis tenendus, hæc ego omnia attendenda esse puto: cum
 constet chorus ex tribus, sententia, rythmo (hic enim nume-
 rus nobis est) & uoce, primum quidem omnium & potissi-
 mum sententiam esse, utpote quæ sit sedes & fundamentū
 reliquorum, & per se ipsa ualeat non minimum ad suaden-
 dum animo uel dissuadendum: numeris autem modis q̃;
 contorta penetret multo acrius: si uero etiam cantu & uoce
 fuerit modulata, iam omnis intus sensus & hominem to-
 tum possideat. Videndum est igitur a uite uel ciuitati, si
 quæ forte aliquando publice huius rei suscepit curam,
 uel priuato ciui, qui bene & pudice erudiendi filij certe sit
 curiosus, ita ut addiscatur hæc ars, ut quod subiectum ma-
 teries q̃; est artis, uerba uidelicet & sententiæ, ex genere
 eo sine, quod ad optimos conseruandos alendos q̃; mores
 ualeat plurimum: quod idonee fiet, si aut laudes clarorum
 uirorum, eorumue dicta & pronunciata ad uirtutem per-
 tinentia, aut diuinæ res, & de Deo ipso ea prædicabun-
 tur, quæ habent illius bonitatis, benignitatis, clementiæ q̃;
 commemorationem, cum maxima nostra utilitate benefi-
 cijs q̃; coniunctam: cuiusmodi primum scripsit in origini-
 bus Cato, usurpatum fuisse apud ueteres Romanos, ut
 post epulas ad tibiam fortium uirorum laudes, & præcla-
 ra in patriam merita canerentur: altero interdum utun-
 tur poetæ, ut apud Virgilium Iopas, de sole, & luna,
 & cæle=

& cœlestibus rebus illic canens: apud nos uero sublimius
 multo atque sanctius, qui sacris numeris diuinæ pote-
 statis, & erga nos beneficentiæ mysteria cœnerunt:
 quod & nuper musis omnibus approbantibus fecit homo
 ingenio & eloquentia & Christiana pietate in omni poe-
 ticæ facultate præstans Actius Synærus: hac quidem
 basi supposita & collocata, adhibendus iam deinceps nu-
 merus est: qui nequaquam poterit profecto fluidus esse,
 & mollis, & incostans, si dignitatem illius sententiæ
 apte debeat modulari: sed habebit suauitatem austeram
 & uirilem necessario, grauesq; consuetabitur modos:
 non enim aut natura ipsa fert, aut nostra potest pati ex-
 pectatio, ut factum egregium Mutij Scæuæ si quis nar-
 rando astringat, numeris æteribus id iambis debeat eue-
 luere: festinationis enim & auaritiæ, & turbati iratiq;
 animi pedes illi sunt, non constantis inuictæq; uirtutis:
 neque item deuotio illa Deciorum, & in medios ho-
 stes proarsus, cum se illi pro patriæ salute ad certam
 proiecere mortem, mollibus elegis aut fluentibus dihi-
 rambis uinciendus est: sed heroum querit carmen, ut
 dignitatem rerum par numerus consequatur: Porro sen-
 tentia & numero consonantibus non poterit uox illis
 solidum & uirile tenentibus ipsa infracta & mulie-
 bris esse, qui iam erit concentus non solum ad bonos
 mores & disciplinam utilis, sed etiam, ut mea fert
 opinio, iucunditate ipsa, & amœnitate longe superior:
 non enim dulci quodam ueluti decocto satietatem cito
 afferet, & sensus fastidio ab alienabit, sed suauita-

tem auctoritate condicens tenebit diutius, atque in adolescentium animis insinuans præclarum illud fœdus honestatis cum uoluptate, quod caput esse bonorum morum diximus, idoneum erit id & conciliare in animo, & conseruare. Hanc ego musicam & tibi Paule & omnibus adolescentibus, qui uirtutis uolunt esse studiosi, & sectandam cupide, & firmiter comprehendendam præcipio: quanquam tu quidem nostra monita tuo studio antecedis. Nam ista, quæ nunc uulgo & passim celebris est musica, quid habere in se potest recti ac decori, quæ aut nulla uerborum fermè & sententiarum sede suffulta sit: aut si etiam habeat subiectam aliquam sententiam, illius tamen sensum ac notionem concise fractis ac uibratis inter fauces uocibus infuscet & impediat: quasi uero lœcaro reperta musica sit, non quæ mulcet temperetq; animos, sed quæ auribus tantum deferuiat, & inuiterur uolucrum ac bestiarum cantus, quarum tamen similes esse nollemus: at hoc est corporeum animum efficere, & minime compotem sui: à quo iure optimo cum abhorreret Plato, huic esse tali in sua ciuitate noluit locum: nanque ubi molles, infractæ, uoluptariæq; sententiæ paribus numeris, & simili uocum modulamine proferuntur, uel ad libidines fluxæ, uel in doloribus languentes, uel ad subitos turbidi animi motus præcipientes, & cōcitantes, quā tu ibi labē uirtutis, quā bonorum morum aēstetatem fieri putas? Et nimirū hoc modo primū pristinū suum morem rectum & laudabilem corrumpit Græcia theatris & scenis nimium frequentandis, chorisq; illis in

lis in primis adsciscendis, qui suauitate aures, animos autem maxime affectionibus uarijs permouissent: inde in urbem Romam deuecta illa pernicies, nervos antiquę grauitatis perfregit, & discidit: nostra autem hac ætate quid sperari debeat boni ex huiuscemodi musica, promptum est cognoscere, cum uideamus quibus moribus sine ij, qui eam tradunt & profitentur. Quamobrem non illa hæc est digna homine libero, sed quam paulo ante protulimus, laudabili sententia, grauib. numeris, uocę uirili ad studium uirtutis animum accendentem: cui si adiungatur præterea motus agitatioq; corporis ad sonum numerumq; conuersa, iam saltatio exoritur, & choreę ipsæ, quarum nos usum non penitus interdiciamus adolescentiæ, raro modo illæ & sobrię exerçantur: non inutiles erunt exhilarandis animis, & ex studiorum labore & contracta illa cura reficiendis: uerum missas eas facere celeriter oportet, & saltationem totam deferere: mature enim fit inepta, neque potest cum grauitate uirili, sedationibusq; moribus ullo pacto in unum locum tempusq; conuenire: paulatim deinde quoq; cantus & uocis modulatio relinquenda est, ut ne utamur ea ipsi, non ut ne audiamus utentes alios. Nam auditio cuiusque ætati concessa sanè sit, etiam senectæ, & ultimę, dum modice fiat, neque nimis dedita opera expetatur. Rhythmos quidem & sententias numeris astrictas ex illo genere graui, siue in legendis poetis, siue in carminibus interdum etiam pangendis, omnis uitę comites uolumus esse,

habent enim amœnum iuxta atque opportunum à seuerio-
 ribus sæpe studijs & publicis curis occupationibusq; di-
 uersorium. PAV. Percepi planè mi pater, & quid tu
 adsciscas, probesq; in musicijs, & quid repellas : dabo ope-
 ram igitur ut tibi in utroq; ac ueritati ipsi satisfaciam. IA.
 Ne Aritmetica quidem Paule non aduocanda est in cate-
 rarum consortium disciplinarum, quæ est ipsa ars & scien-
 tia numerandi : cuius usus ita nobis necessarius est, ut ui-
 deamur absq; ea ne quot digitos quidem habeamus in mani-
 bus, aut quot oculis intueamur scire posse : quod ridicu-
 le uidetur accidisse priscis hominibus ante Palamedem,
 cuius hoc inuentum apud Troiam fuisse fertur : quo
 quidem tempore neque Agamemnon tanti exercitus dux, ne-
 que is, qui in consilijs excellere ab Homero dictus est Ne-
 stor, naque uero Vlysses mortalium omnium uersutissi-
 mus, numerum earû nauium, quibus appulerunt ad Tro-
 iam, potuissent dicere. Sed fabulis missis, huius artis
 scientia atque exercitatio adolescentibus tradenda est, qua
 tenus quidem expedit : principia enim certè percipien-
 da sunt, & introrsum nonnihil penetrandum, ut nume-
 rorum differentias, paris'que & imparis um ac ipsorum
 inter se multiplicæ ac uarios intelligamus nexus, respon-
 susq; propè mirabiles referentium certis interuallis & spa-
 tijs priores in numeris antecedentibus affectiones. ac no-
 tas posteriorum semper numerorum, ac siqua sunt alia
 eiusdem modi, quæ cum ingenua oblectatione noscende,
 artis liberalissimæ, ad acuum excitandumq; ingenium
 præcipue idonea sunt : mentemq; præterea à corporeis ab-
 strahunt

strahunt rebus, & ad meliorem suimet usum conuertunt: ut sua uel nixa, neque sensibilibus rerum diuerberata, cogitationibus in illa æterna et immobili ueritate intuenda firmitus herere possit, id quod scientia hæc habet inprimis: est enim numerorum ea natura & uis, ut nullo aut minimo commercio cum fluxis rebus, & nunquam in eodem statu manentibus, implicata sit, sed tanquam pura & simplex, et sibi seposita uirgo, non aduentium oculis, nec manibus, sed castis tantummodo mentibus attrectetur: quo etiam deterius sibi ex illa & suæ uitæ auspiciam faciunt, qui illam eius partem, quæ in subducendis & colligendis summis posita est, quam ratiocinatiuam appellamus, conferunt ad questum, neque emolumentum ex ea sibi met ipsis, sed arcæ & loculis suis appetunt: & si enim huic quoque ministerio appositae est, non alio fini tamen recte usurpatur, quam ut belli & domi bene geratur respub. & priuatæ quoque rationes ordine administrentur, quæ sine hoc studio teneri rite non queunt. Ac questus quidem ingenuis animis turpis semper & sordidus est: recta autem communis rei priuatæque gubernatio sapientis hominis propria. Quid quod ab ista arte ceteris omnibus artibus, quas mathematicas uocamus, principia traduntur, nec sine hac illæ suum munus obire possunt? Quid enim sine notione numerorum Musica? Quid Geometria? Quid ipsa cœli & syderum speculatrix Astrologia potest efficere? quæ cum artes ab hac arte numerum tanquam animum acciperint, uestiunt deinde illum in ipse, & de suo aliquid quasi corpus adglutinant: ut uerbi causa, unitati, qua nihil est in natura rerum simplicius, neque

neque in seipsa contractius, & ab omni omnino aliena
 re absolutius, situm & positionem Geometria addit, Mu-
 sica sonum, visum etiam & motum adiungit Astrologia.
 quid Geometriam quibus uerbis honestabimus? cuius uis
 disciplinæ latius etiam permanet, & in omneis artes pe-
 nitus opificiaq; humanæ uitæ diffusa est: cum enim pun-
 cti sit linearum, superficierum, figurarum tam in plano,
 quam in solido scientia, certissimisq; nixa rationibus &
 fundamentis, nusquam labatur, nunquam titubet, cum ad
 mirabiles præbet in tuenda ueritate animis uoluptates,
 tum omnibus apta rebus non solum atque apposita, ue-
 rum in primis etiam & maxime necessaria est: illud enim
 quod unum continet omnia, quæ arte & manu effici so-
 lent, libratio ipsa & collocatio, & unius ad alterum pro-
 portione facta commensio Geometrica tota est: neque sta-
 rent tecta urbium & mœnia, illaq; ampla & præclara
 operum monumenta, quæ in templis, theatris, fornicibusq;
 uetustis Romanæ urbis adhuc conspiciamus, non tanta ad-
 miratione nos afficerent, nisi geometricis fuisset elabora-
 ta mensurionibus. quid columnæ, porticusq;? quid belli instru-
 menti, & machinæ? quid fingendi, pingendi, & aut ex
 ære, aut ex marmore cudendi tantis opificum ingenijs nobi-
 litata quondam, & solis ingenuis permissa ars? ipsaq; to-
 ta nauigatio, & locorum, orarum, regionum, littorum ex
 geographia sumpta descriptio? agrorumq; dimensus, &
 aquarum deriuationes? ac denique ne singula memorem,
 quicquid uel oculis spectabile & magnificum, uel ad usus
 uitæ commodum ac necessarium est, huius omne est artis
 & geome-

& geometricæ facultatis inuentum. Quamquam quid nos
 manu facta recensemus, cum ipsa hæc cælestia, quæ supra
 nos, circumq; torquentur: quorum & species & utilitas nul-
 la est oratione explicabilis, ipsa q; item levis & grauis in
 inferiore mundo & commutabili connexio librata q; pari-
 bus momentis & qualitas, qua diuersæ res, & plurimum in-
 ter se repugnantes, ita ligantur & uinciuntur unà, ut cū
 se alterne maxime fugiant, sic maxime contineantur, ratio-
 ne geometrica quidem, sed ea diuina, fabricata sint. Hanc
 tantam huius artis uim & potestatem cum intelligeret Ar-
 chimedes, qui unus fuisse traditur in hac scientia longe o-
 mnibus præstans, dictitare solitus erat, confidere sese, si
 alter inuentus foret terrarum orbis, hunc posse ad illum ap-
 plicare & adiungere: & sanè ea ille de se indicia perhibe-
 bat, ut non id loqui temere, neq; inaniter, & falsò gloriari
 uideretur: ponderum enim & mensurarum rationes, qui-
 bus reguntur, diriguntur q; omnia, cum ex Geometria opti-
 me cerneret, intelligebat earum uim non quotidianis modo
 his instrumentis subsidijs q; communis uitæ, sed maximis
 etiam uoluendis & moliendis rebus idoneam esse. Atque
 hic tantus uir, qui patriæ suæ obsessæ contra exercitus Ro-
 mani uim, & maximi imperatoris uirtutem, propter Geo-
 metriæ & ponderum scientiam unus fuit auxilio, reprehen-
 sione tamen non caruit, quod scientiam hoc ipso in primis
 nobilem, quod à sensibus oculis q; remota, sola mentis ui
 intelligentia q; nitatur, quasi direpto honore produxisset
 in publicum: etenim apud illos eruditos academicæ pulue-
 res, ubi ista quondam liberalius tractabantur, potior quæ-
 dam &

dam & magis occulta expendebatur huiusce artis uis, fructusq; petebatur alendis atq; ornandis bonis ingenijs multo uberior, qui non in oculis & admiratione uulgi, sed in ipsius ueri contemplatione artisq; speculamentis, quæ theorematæ Græci uocant, positus esset, quæ perpetua serie aliud ex alio, tanquam orta tracta q; sic subtiliter uere perspicueq; monstrantur ut illa cognoscendi suauitatē contentus animus, nil amplius requirat: nec suæ tranquillissimæ uoluptati populari extrinsecus plausu uelit obfrepere. PAV.

Dij immortales tot'ne et tanta nobis cognoscenda esse præcipis, præsertim properantibus ad philosophiam? quæ uideantur, singula unius ætatem hominis distingere facile posset: et si tibi ego assentior, fateorq; debere omnia percipi, si etiam potis est, ad eamq; rem sanè alacris animo sum: sed audio tamen sæpe permultos accusantes breuitatem hominum uitæ, & difficultatem, ac magnitudinem huiuscemodi artium uerbis exaggerantes, quasi earum finis nulla capi possit. Itaq; habent illud Theophrasti identidem in ore, qui moriens accusasse naturam dicitur, quæ brutis animalibus, uolucrisq; nonnullis perlonga uiuendi spatia tribuisset, cum eorum nihil illa res interesset: hominem uero qui esset ad intelligendum & contemplandum natus, tunc potissimum extingueret, cum is mente & ratione bene uti uix cœpisset: quorum de opinione quid sentias, itemq; ad philosophiam percipiendam, quā præcipue sectamur, ecquā in istis, quas commemorasti, artibus opportunitatem esse constituas, audire si placet sanè uelim. I A. Maximam Paule, ut tibi ad posterius tuum respondeam prius: ne que

eam

eam simplicem & uniusmodi, sed multis rationibus utilem
& accommodatam: nam cum omnis cognitio & scientia
est liberalis, tum autem artes hæc, de quibus iandudum lo-
quimur, illius ipsius quam appetimus philosophiæ, tanquam
unius magni corporis quasi membra quædam sunt: quic-
quid enim in rerum naturis tractandis noscendisq; quo-
cumq; illæ è genere sint, & in illarum uero intuendo uersa-
tur atq; inheret, totum sub ditione philosophiæ est, ac lumi-
ne illius, tanquam ueritatis radio illustratur: porro in phi-
losophia quædam sunt quæ ceterorum maxima præstan-
tissimaq; habentur: qualis est de summo omnium bono co-
gnitio, deq; eo, quod summe est, quodq; ceteris causam ut
sint præbet: & si qua sunt alia eiusdem modi naturæ illius
eximiæ & principis cognata atq; affinia: ad quæ intelligē-
da, quoniā in excelsissimo mentis loco posita sunt, per huius-
modi studia et disciplinas, tanq̃ per cliuos gradusq; scandi-
tur: multaq; adhibentur ex hisce ipsis facultatibus mentem
auiumq; adnunciantia, & in sublime tolli adiuvantia: sine
quibus labare atq; errare ferme esset necesse, ut harum in
hac quoq; parte egregia artium opera utilisq; reperiatur: ue-
rum illa palmaris, quod auocant animū à sensibus, ipsumq;
docent, per semetipsum quæ consideranda sunt, ea seorsum
à sensationum corporearum strepitu, solum in semetipso con-
siderare & cernere, quod est maxime certum et proprium
philosophi munus: nam cum naturas rerum omnium, &
illud ipsum quod sunt, uel summouerit procul natura à con-
spectu nostro, uel quas etiam obtulit, & tradidit nobis pe-
nè conturbinales, tantis eas tamen in uolucris contexerit,
ut aures,

ut aures, oculos, ceterosq; sensus permoueant modo, menti autem ipsi, conanti apprehendere illud quod quidq; est, of- fundant tenebras: non fuit mediocris operæ, neque exigui laboris, facere animum ipsum sibi met uiam per mediam turbam, concursione inq; sensilium, & illud ipsum inueni- re, quod quæq; res una est, unum ipsum scilicet idemq; sem- per, neq; tempore ullo, neq; mutatione uariabile. Quod quo- uiam nullo pacto fieri potuit, nisi cõercitis & relectis sen- sibus, ac illis etiam imaginum similitudinibus, quæ ex sen- sionibus rerum exterarum introductæ in animum atque impressæ uolitæ uagæ, contemplantiq; obstrepunt, silere penitus iussis: idcirco ut quæq; ars sic se gerere animum, atq; à sensibus quoad potest discedere, redireq; in sese maxime docet, ita maxime ad philosophiam utilis ea, atq; opportuna est, quod in his numerandi metiendiq; discipli- nis præcipue licet cernere: illæ enim menti ea tractanda cogitandaq; proponunt, quæ à motu, quæ à sensu, quæ à tempore, quæ à uarietate, à discrepantia à contrarijs pulsionibus penitus remota alienaq; existunt, perpe- tuamq; obtinent & immutabilem in se ipsis constan- tiam ac ueritatem: quæ cum sit familiaris philosophiæ fa- cultas, mathematicæ istæ artes & scientiæ, uel quod ani- mum sic erudiunt, ut solus ad speculandum sua ui niti & confidere consuescat: uel quod ipse quoque philoso- phiæ partes & membra quodam modo sunt, ad illam ipsam aspirantibus noscendæ quadam tenus, nec sine honore debi- to sunt prætereundæ. Nam quod magnitudo earum deter- reat nonnullor, & desperare uenè sibi cogit, non est

hoc artis nec difficultatis ex arte, sed imbecillitatis, & desidię uitium: equidem non eo inficias, esse in artibus ipsis non difficultatem mehercule, neq; operositatem (ut ita loquar) abhorret enim res à natura uerbi, sed subtilitatem potius, & abstrusionem quandam rerum intelligibilium, nequaquam expositam populo, nec patentem hebetibus tardisq; ingenijs, quę tamen acutorum, & ualentium ingeniorum aciem non effugiat, quo illa paruo ductu exiguaq; monstratione intenta tam facile tamq; celeriter penetrant, non ut alienas & inhospitas peragrarere regiones, sed uti in suo regno domitari uideantur: est enim permagna hominum ingenijs innata uis, in quibus illa hominibus ab natura bene locata & constituta sunt: atq; ita magna, ut neque numero rerum, quas concipiunt, apprehenduntq;, uincantur, neque amplitudine & mole opprimantur, nec tenuitate acumineq; frustrentur. Sed quemadmodum oculi, quibus à natura uegeti & perspicaces sunt traditi, faci'i leniq; conuersu in quā se cunq; dederint partem celeriter oīa & sine labore quę uolunt contuentur. Sic mēs bene instituta, & subornata à natura ad omnia comprehendenda in quę intenderit est perspicax. An si hoc esset difficile, tantopere plurium artium scientia & copijs se instruere, tot clim ē scholis Gręcię doctissimi homines produisset: illamq; magnificam & gloriosam (ut tum quidem uidebatur) promulgassent uocem, sese paratos esse omnibus quacunque de re quis quęreret statim respondere. quod primus fecisse traditur Leontinus Gorgias: cui quidem ob eam rem tanti honores à communi Gręcia habiti

habiti sunt, ut ex omnibus uni non inaurata Delphis, sed
 aurea statua collocaretur: quæ tamen nouæ ostentationis pro-
 fessio principio in admiratione habita, postea turba et mul-
 titudine idem facientium, profitentiumque, euiluit: atque alij ta-
 men suo ingenio et studio ostendendo artium istarum, quas
 liberales dicimus, et bonarum literarum regionibus se te-
 nuerunt. Hippias uero, qui in olympiorum celebritate to-
 tius Græciæ multo maxima non solum ingenuas omnes di-
 sciplinas callere sese, earumque, idoneum cuius auctorem et
 magistrum se fore professus sit, sed palam audiente Græ-
 cia, etiam annulum quem in digito haberet, soccos quibus
 indutus, pallium, quo amictus esset, ab sese factos et fa-
 bricatos gloriatus est, non ne declarat nullam esse artem,
 quæ effugere hominis ingenium aciemque possit? quanquam
 iste quidem fortassis nugator, et ceteri cum illa gloria non
 ferendi. Ad illos te reuoco, qui summam uim et gloriam
 perfectæ sapientiæ sine ulla ostentatione consecuti sunt.
 An tu putas quicquam fuisse in rerum natura, aut in ullius
 artis scientia, quod aut amplitudinem, prudentiamque; Plato-
 nis, aut acumen ingeniique; Aristotelis, aut ubertatem Theo-
 phrasti, aut Polemonis, Arcesile, Chrysippi, Carneadis
 copiam diligentiamque; præterierit? quanquam horum quidē
 tulium et multitudine et gloria redundauit uetus Græ-
 cia, ut singulos nominare non sit necesse. Nostri in hoc ge-
 nere infrequentiores, quod accidit fortunæ uitio. Vix enim
 aperto ad philosophiam additu, primus M. Varro ueterū
 omnium doctissimus, deinde flumen illud aureum eloquen-
 tiæ Cicero eo se immiserat, Romanaque ingenia secum per-
 trahebat,

traheret, cum repente cōmutato reip. statu, barbari & mo-
 res & literę silentiū optimis artibus indixere. Sed ut ab illis
 antiquis sæculis ad nostra tempora deueniamus: nō te puto
 arbitrari eū, quē maxime miraris, quē semper in manibus
 habes, quem assidue legis, Petrum Bembum, sine multarū
 disciplinarū cognitione & scientia ad tam eximiā laudem
 eloquentiæ totiusq; sapientiæ puenire potuisse: in quo quidē
 homine maximū est ornamentum etati nostrę constitutum,
 & mihi singularis ex eo lætitia, quando nos inter nos san-
 ctissimo fœdere amicitie iā inde ab adolescentia coniuncti,
 nihil germanis fratribus in amore mutuo concedimus. Quid
 de Hieronymo Aleandro? quid de Desiderio Erasmo dicā,
 hominibus doctissimis & oīum artium ad doctrinarum co-
 gnitione, usu, memoriaq; celebratissimis? Quid de Andrea
 Alciato nostro? ac ne longius abeas: tuus Paule Gregorius
 Lilius, cuius tu primo cū patre tuo etiam dū cum esses, auto-
 ritate & diligentia bonis literis imbutus es: non ne cōplu-
 riū doctrinarū scientiā sine difficultate tanta assecutus est?
 Nam is quo cum ipse assidue uiuit, quem nos quoq; admi-
 rari soliti sumus uir clarissimus & nobilissimus, Ioan. Fran-
 ciscus Pius, cuius tandē scientiæ aut discipline expers ulli
 unquam uisus est? qui cum haberet domesticum exemplum
 quod imitaretur, hominis oīum in omni uirtute & doctri-
 na maximi, Ioannis Pii patrui sui, suo ingenio, diligentiaq;
 perfecti, ut non illū desiderare iam mortuū, sed eū in huius
 ipsius eodem sanguine procreati, doctrina & moribus re-
 cognoscere possimus. Verū ne sit infinitum numerare oēs,
 qui studio acri atq; ingenio præditi in pluribus artibus fa-
 cultatibusq; uiguerunt, sic in præsentia concludamus. Cum

hec quæ in ingenuis & præclarissimis artibus posita sunt, habeant quandã in dissimilibus generibus, consimile tamen ad querendũ & inuestigandũ uiam, per quam tanq̃ uno eodemq̃ spiritu oĩa contineantur: facile patere ea bonis & acutis & uigilantibus ingenijs, u; q̃; ad comprehendendum parata exposita q̃; esse: tardis aut, atq̃ hebetibus, et imbecillitate desidia q̃; corruptis apparere difficillima. uerissime ut dictum esse uideatur, aut cito eã p̃cipi, aut nunq̃: quod non uarietatis in illis, ne p̃ artium difficultatis, sed ingeniorũ et uoluntatũ omne sit discrimen. Nec siqui extiterum, extant q̃; quotidie, qui singularem aliq̃ ex his artem cum sibi tractandam cognoscendamq̃; proposuissent, oẽm suam etatem in ea consumpserum, id sanẽ mirandũ est: qđ idem potest contingere nauigantibus, ut cum sibi portum aliquem proposuerim, quò uelim proficisci, capti forte inter nauigandum aliacius loci amœnitate, dimisso pristino cursu, resideant ibidem, & sua oĩa componant: properantibus quidẽ ad philosophiã, ut tu modo dixisti, in qua est portus nostris fortunis constitutus, hæc tanquam diuersoria capienda sum, cõmorandum q̃; in his quoad expedit, & cognitioni satis sit, quæ hæctenus esse debet, ut locorũ situm et mores, cultus q̃; hoĩum non tanquã ciuis & incola, sed ut curiosus uiator inspexisse uideare: ut cum eodẽ fortasse redeundũ tibi fuerit, non itineris monstrator querendus, sed notum & familiare hospitium sit ineundũ. Sic in disciplinis & artibus ceteris, p̃ quas gradimur tendimus q̃; ad philosophiã, ipsa artium principia & fundamẽta cognoscenda sum, capita q̃; illa rerum è quibus oĩs postea ad singulas tractandas & confirmandas res argumentatio ducitur, p̃cipienda penitus, et in

memoria sunt constituenda: aliquę etiā singulares noscendę
 quęstiones, neq̃ oēs tamen, quęcunq̃ in illa arte colligi et
 concludi possunt: id enim iā infinitum est, et in quo com-
 plures uiri boni tempus oē suū atq̃ ocium disposuere, capiti
 iulecēbra desidiosę cuiusdā delectationis: parit enim ex sese
 semper aliquid atq̃ gignit ipsa in unaquaq̃ arte assidua uo-
 lutatio, qđ cum uoluptate contemplare, dū res cunctas mi-
 nutatim obire uult, quę sub illius artis cadunt notionē: nec
 modū sibi facit, nisi is se euoluat et explicet qui quemadmo-
 dum Vlysses maiore ui ad se eiciendū nixus est, quā ut
 ad Sirenariū cantus possit adhęrescere. Illud possum ego cō-
 firmare et polliceri audacter, si quis per hasce facultates et
 disciplinas contenderit ad philosophiā, et illarū cognitionē
 doctrināq̃; mediocri nō tā instructus quā imbutus, hūic
 oīum scientiarū domine totum sese dederit, fore uti postea
 cum usus acciderit, ad illarū unam quancunq̃ rediens, et ali-
 quid in ea nosse tractareq̃; instituens, multo id et facilius
 agat et melius quā si experti philosophię in illius unius
 studio etatem totam contriuiisset: reuertetur enim ex opibus
 copijsq̃; philosophię et aīo et ingenio multo paratior. PAV.
 Iam intelligo mi pater et facilitatem illā, quā diās, et mo-
 dum, et ordinē, quem tenendū putas, prorsusq̃; ita agi oport-
 ere psuasus sum. Sed quod sæpius iam mihi te loquente ac-
 cidit, ut amore quodā ferrer ad philosophiam, eo nunc ue-
 hementius me inflāmari sentio, qđ nihil usquam præclarum
 neq̃ appetendū esse uideo, qđ non ex illa, aut propter illā
 sit. Ecquis igitur mihi ille erit dies, cum in tanti possessionē
 boni Deorū immortalium summo, et tuo pater beneficio po-
 situm esse me cognoscā? IA. Et breue est qđ tibi uia ē et

nūc restat, et oīa futura sunt tuo istī aīo facillima: ac morā
 lis quidē philosophiē initia iā attigisti, ad summas aut et altis
 simas philosophiē partes ac rationes certa semita est, qua
 ego te deducam, cum curriculū hoc confeceris, quod tamen
 eorum penē percurristi: ceteris enim liberalibus discipli
 nis à te perceptis, Geometriæ aliquantum plus & Astro
 logiē quoq; studiū ac temporis est impendendū: quod tamē
 utrunq; una cōstas effecerit, atq; ita ut oīa è Græcis scripto
 ribus petas, quando latina perturbatius scripta sunt. Et quo
 riam de Astrologia adhuc nihil diximus, ne ea quidē silen
 tio uideatur prætereunda esse, quæ est cælestium non tam
 naturarū et corporū (id enim philosophiē munus est) quā
 motuum illorum tot atq; tantorū, & diurnarū ac nocturna
 rū concursuum circuituumq; tam in uniuersis globis cō
 tinētibz oīa, quā in ipsis stellis sideribusq; scientia: cuius
 non omneis partes, neq; singula articulatim mēbra nosse ne
 cesse est, nisi si quis illā artem uelit profiteri: scire quidem
 quāuū satis est, ad philosophiā tendentibus, & quod in fa
 cultatis illius principijs consistit addiscere, certe humanum
 est. quis enim est tam agresti animo, et tam auersus aureis
 suas ab ipsa uoce naturæ, qui non spectaculo et contempla
 tione tantorū luminū, ad aliquā eorū considerationē mouea
 tur? aut qui nō studeat nosse locū, in quo siti sumus, medius
 infimus, an summus ille sit: ortus quoq; signorū & obitus,
 solisq; & lunę, & cæterorū errantium conuersiones, tum
 disspares inter se, tum suis tamen unam quāq; spatys et tē
 poribus solennes atq; statas: astrorū quoq; ipsorum unius
 ad aliud accessus, & plerūq; antecessus, subites et interdū
 recessus: defectus itē (ut poeta inquit) Solis uarios, Lunæq;
 labores

labores, cur tantū oceano properent se tingere soles Hyber
ni, uel quæ tardis mora noctibus obſtet, & cætera eiufdem
modi, quæ qui percipere animis ſuis contemnunt, nō ut phi
loſophiam ydem percipiant, ſed ut homines eſſe exiſtimen
tur magnopere eſt illis elaborandū. PAV. Vere ita eſt,
nam ſi orta eſt ex admiratione cura cognoscendi & perci
piendi, ut te ſæpe audio loqui, nihil eſt proſecto rerū iſta
rum, quæ in cælo ſunt, contemplatione admirabilius. IA.
Hoc quidē curſu Paule conſecto (quoniam ad tuæ ætatis
ſpatia iam acceſſimus, nihil enim tibi, aut paulum quiddam
adhuc deeſt ex ijs, quæ ſupra dicta ſunt) intrandum demū
eſt in philoſophiæ campos latos atq; patentes, eoſdemq; ſera
ces & frugiferos rerum omnium, quarū ad alendam beatiſ
ſimam uitam uſus eſſe aliquis atq; opportunitas poteſt: qđ
nos quidē facere in te cœpimus, qui te admouimus ad Ari
ſtotelis Ethica: qua ex lectione intelliges quæ tibi in mori
bus recta atq; ingenua ſunt, uſu & diſciplina comparata,
non ipſam uirtutem eſſe, ſed ſimulachrū imaginemq; uirtu
tis: cui tamen, ut alio loco diximus, ſpiritus atq; aīam phi
loſophia infuſura, & ſimulachrū exanime ac mutum, uita
le ſimul ac uocale effectura eſt. Verum huic philoſophiæ
ſtudio dialecticam eſſe adiunctam oportet, quam eandē &
logicam appellamus: cuius artis partem eam, in qua de figu
ris & modis argumentandi traditur, iampridem te docui
mus, quarū ipſe argumentationum multis iam rebus uſum
utilitatemq; cognoviſti: ſed reſtāt multa atq; ardua, quæ ſi in
tractata impercepta q; ſint, labare mentem noſtrā in maxi
mus iueſtigandis rebus fermē ſit neceſſe eſt enim certa quæ
dā uia & perſubilis ratio explorandi in unoquoq; genere,

quo de queratur aliquid, quid sit illius generis cognatū in primis & propriū, unde ad concludendum et demonstrandum firmissime res argumentationes q̄; ducantur, quod hoc enucleatius scire, nosse q̄; oportet, q̄ā infinite penē sum apte ad fallendū & in se quidē ipsa longe alienē à uero, sed ueri tamen similitudinē prae se ferentes rationes: quae non imbutos modo mediocriter, sed saepe hoīes doctissimos eruditissimos q̄; puerum, stantes q̄; deiecit, & circumueniunt cautos: quibus nisi arma dialecticæ scienter perite q̄; tractentur: minime possit obsisti. Sed quoniā & haec ipsa, quae nūc de dialectica dicimus et totā illius uim & potestatem paulo post in ipsis Aristotelis libris nobis monstratibus cogniturus es, nō attinet plura loqui, nisi id tantum monere et precipere, quoniā in ipso iā limine philosophiae constitutus es, ut optimos autores scientiæ præstantissimę, tibi semper legendos uoluitandos q̄; proponas: Platonem in primis, et Aristotelem: quorū quidē duorū celestibus ingenijs admirabili q̄; scientia, iure se oībus gētibus antepōnit Græcia, tum aut Græcos potissimū interpretes: nam hos, qui latinā scriptiōē professi, barbara oīa, polluta q̄; reddiderunt, & inquinatis literis, præposteris q̄; questionibus, magnas offuderunt philosophiæ tenebras, magnopere tibi uitandos et fugiendos esse sentio: nihil enim afferunt ingenii neq̄ recti: sed cum uerā ignorent philosophiæ uim, & rationes nothas, quas Græci sophismata uocant, pro legitimis & ueris rationibus consēctentur, ad clamandū quidē & litigandū ualde robusti sunt, in doctrina uero, & in ipsa sapientia prorsus sunt imbecilles: qui etiā uanitate quadā ingenij ignorantia q̄; inducti, in eis rebus populi aucupantur famam, quarū eos rerū maxima